

नमो नमो निम्मल दंशणरुस

आगमसुत्ताणि



३६

ववहार

तद्वर्गं देवसुतं

संसोहय-संपायग

निपुण निर्यामिड पू. मुनिराज श्री सुधर्म सागरशु म. ना शिष्य

मुनि दीपरत्नसागर

ભાણ બ્રહ્મચારી શ્રી જોશિનાથાચ નમઃ

મ્મો નવો નિમ્મલ દંતપસ્ત

શ્રી આનંદ-સમા-લલિત-સુશીલ-સુધર્મસાગરગુરુઓ નમઃ

૪૫-આગમસુત્તાણિ

—: સં સો હ ય—સં પા ય ય :—

પૂજ્ય મુનિરાજ શ્રી સુધર્મસાગરજી મહારાજ સાહેબના શિષ્ય

મુનિ દીપરત્નસાગર

તા. ૨૨/૭/૯૬

શોભવાર ૨૦૫૨

અષાઢ સુદ : ૬

૪૫ આગમના સેટની કિંમત - રૂ. ૧૫૦૦/-
(ભાવિ આગમ-કાર્ય ખાતે)

આગમ શ્રુત પ્રકાશન

મુદ્રક

નવપ્રભાત ટિર્સ્ટીંગ પ્રેસ ધીકાંટરોડ, અમદાવાદ.

કમ્પોઝ

શ્રી ગ્રાફિક્સ ૨૧, સુભાષનગર, ગિરધરનગર,
શાહીબાગ, અમદાવાદ.

[2]

આર્થિક અનુદાન ઠાતા

૪૫ આગમમાં મુખ્ય દ્રવ્ય સહાયક

મિષ્ટભાષી કમલીવર્મા શ્રી સૌમ્યગુણાશ્રીજીની પ્રેરણાથી

સ મ્ય લ્ સુ લ વુ ઇ ગી જ મ છો જ સિ ઠા

શ્રીમતી નયનાબેન રમેશચંદ્ર શાહ - સ્પરિવાર [વડોદરા]

69990

● અલગ-અલગ આગમના મુખ્ય દ્રવ્ય સહાયકો ●

- ૧ સાધ્વીશ્રી રત્નત્રયાશ્રીજી મ. ના પરમવિનેયા સાધ્વીશ્રી સૌમ્યગુણાશ્રીજીની પ્રેરણાથી - શ્રી શાંતિલાલ કેશવલાલના બંગલે, ૨૦૫૧ ના ચાતુર્માસમાં થયેલી જ્ઞાનની ઉપજમાંથી - વડોદરા
- ૨ રત્નત્રયારાધકા સાધ્વીશ્રી સૌમ્યગુણાશ્રીજીની પ્રેરણાથી શ્રી હરિનગર જૈન સંઘ વડોદરામાં શ્રી પર્યુષણ પર્વમાં થયેલી સૂત્રોની બોલીની ઉપજમાંથી - સં. ૨૦૫૧
- ૩ સ્વનામધન્યા સાધ્વીશ્રી સૌમ્યગુણાશ્રીજીની પ્રેરણાથી-શ્રી શાંતિલાલ કેશવલાલના બંગલે, વડોદરા, ૨૦૫૧ના ચોમાસાની આરાધના નિમિત્તે
- ૪ પ્રશાંતમૂર્તિ સા.સૌમ્યગુણાશ્રીજીના શિષ્યા તપસ્વી સા. સમજ્ઞાશ્રીજીના ૪૫ આગમના ૪૫ ઉપવાસ નિમિત્તે શા.કે.બંગલે થયેલ જ્ઞાનપૂજન તથા ગુરુભક્તો તરફથી. બરોડા
- ૫ સા. શ્રી રત્નત્રયાશ્રીજીના પ્રશિષ્યા સા. સમજ્ઞાશ્રીજીના સિદ્ધિતપ નિમિત્તે સ્વ. રતિલાલ કાલીદાસ વોરાના સ્મરણાર્થે લીલીબેન રતીલાલ તરફથી, સુરેન્દ્રનગર.
- ૬ પૂ.રત્નત્રયાશ્રીજી મ.ની દ્વિતીયપુન્યતિથિ નિમિત્તે સા. મોક્ષરત્નાશ્રીજીની પ્રેરણાથી ઘાહ ખીમચંદ છગનલાલ પરિવાર, હ. મંજુલા બેન. ખેરવાવાળા [હાલ-મુંબઈ]
- ૭ સાધ્વી શ્રી સૌમ્યગુણાશ્રીજીના ઉપદેશથી શ્રી ગુજરાતી શ્વે. પૂ. જૈન સંઘ, મદ્રાસ હસ્તે શ્રી ઈન્દ્રવદન રતીલાલ દામાણી - વિંછીયાવાળા-હાલ-મદ્રાસ
- ૮ સા. શ્રી સૌમ્યગુણાશ્રીજીની પ્રેરણાથી, સ્વ.ચતુરાબેન પિંતાબરદાસ પી. દામાણીના સ્મરણાર્થે તેમની પરિવાર, હ. ઈન્દ્રવદન રતીલાલ દામાણી-વિંછીયાવાળા (મદ્રાસ)
- ૯ પૂ. ગુરુમાતા રત્નત્રયાશ્રીજીના અંતેવાસી સાધ્વી શ્રી સૌમ્યગુણાશ્રીજી ની પ્રેરણાથી પૂજ્યશ્રીની પુન્યતિથિ નિમિત્તે, શ્રી સાંકળીબાઈ જૈન શ્રાવિકા ઉપાશ્રય-રાણપુર તથા શ્રી જોરાવરનગર જૈન શ્રાવિકાસંઘની જ્ઞાનની ઉપજમાંથી
- ૧૦ શ્રીમતી દીપ્તીબેન સુનીલભાઈ પટેલ હ. નયનાબેન, હોસએન્જલેસ, અમેરિકા
- ૧૧ શ્રીમતી અનુપમા બહેન ભરતભાઈ ગુપ્તા. હ.નયનાબેન, વડોદરા
- ૧૨ શ્રીમતી પ્રિયંકાબેન પરાગભાઈ ઝવેરી, હ. નયનાબેન, મુંબઈ
- ૧૩ શ્રી અલકાપુરી-શ્વે. મૂર્તિ જૈનસંઘ-વડોદરા-હ. નયનાબેન
- ૧૪ શ્રી વાસુપૂજ્ય ચૈત્ય-મેહુલ સોસાપટી, સુભાનપુરા-જ્ઞાનખાતુ-વડોદરા હ. લાલુબેન
- ૧૫ શ્રીમતી સુનિત્રાબહેન હસમુખભાઈ સંઘવી, ખાનપુર (ઈન્દ્રોડા) અમદાવાદ

[3]

- ૧૬ સ્વ. મનસુખલાલ જગજીવનદાસ શાહ તથા સ્વ. મંગલાબેન જગજીવનદાસના સ્મરણાર્થે શાહ મેડિકલ સ્ટોર, ધોરાજી વાળા, હ. અનુભાઈ તથા જગદીશભાઈ
- ૧૭ શ્રી કોઠીપોળ, શ્રે. મૂર્તિ. જૈન સંઘ, શ્રી શાંતિનાથ જિનાલય - જ્ઞાનખાતુ, વડોદરા
- ૧૮ શ્રી કારેલી બાગ શ્રે. મૂર્તિ. જૈનસંઘ, વડોદરા-હ. શાંતિભાઈ
- ૧૯ શ્રી કૃષ્ણનગર શ્રે. મૂર્તિ, જૈનસંઘ-અમદાવાદ.
- ૨૦ શ્રી કૃષ્ણનગર શ્રે. મૂર્તિ. જૈનસંઘ, અમદાવાદ
- ૨૧ સિદ્ધાન્તનિષ્ઠ પૂ. ગચ્છા.આ.શ્રી વિજયરામચંદ્રસૂરીશ્વરજી મ.સા.ના દિવ્યઆશીષથી - પટેલ આશાભાઈ સોમાભાઈ, હ. લલીતાબેન, સુભાનપુરા, વડોદરા
- ૨૨ સ્વ. વિરચંદભાઈ મણીલાલ લીંબડીવાળા, તથા સ્વ. જસુદેબેન વિરચંદભાઈની શ્રુતજ્ઞાનારાધાનાની સ્મૃત્યર્થે તેમના સુપુત્રો તરફથી, અમદાવાદ
- ૨૩ વૈયાવચ્ચપરાયણા શ્રમણીવર્યા શ્રી અનંતગુણાશ્રીજીની પ્રેરણાથી સમ્પગૃહર્થન આરાધના ભવનટ્રસ્ટ, અમદાવાદ તરફથી [શ્રી મહાનિસીદ સૂત્ર માટે]

● ૪૫ - આગમ સેટ-ચોવળા ગ્રાહક - દાતા ●

પ. પૂ. સા. સૌમ્યગુણાશ્રી મ. ના ઉપદેશ તથા તેમના સંસ્કારીભાઈ શ્રી ઈન્દ્રવદન રતીલાલ દામાણી (વિંછીયાવાળા) - મદ્રાસના પ્રેરક સૌજ્યથી

૧. શ્રીમતી ગુણીબેન જ્ઞાનંદભાઈ સી. કોઠારી, પાલનપુર, હાલ-મદ્રાસ
૨. શ્રીમતી દેવ્યાનીબેન ચંદ્રકાન્તભાઈ એમ. ટોલીયા, વાંકાનેર, હાલ-મદ્રાસ
૩. શ્રીમતી સુશીલાબેન શાંતિભાઈ એન. વોરા, જામનગર, હાલ-મદ્રાસ
૪. શ્રીમતી પુષ્પાબેન અમૃતલાલ ટી. શાહ, ચુડા, હાલ-મદ્રાસ
૫. શ્રીમતી નિર્મલાબેન જયંતિભાઈ એસ. પહેતા, યાન, હાલ-મદ્રાસ
૬. શ્રીમતી મધુકાન્તાબેન રતિલાલ જે. શાહ, વીંછીયા, હાલ-મદ્રાસ
૭. શ્રીમતી ગુણિબેન દિનેશભાઈ સી. શાહ, પાલનપુર, હાલ-મદ્રાસ
૮. શ્રીમતી મુદુલાબેન પ્રિયકાન્તભાઈ સી. શાહ, મૂળી, હાલ-મદ્રાસ
૯. શ્રીમતી નપનાબેન નરેન્દ્રભાઈ આર. શાહ, મૂળી, હાલ-મદ્રાસ
૧૦. શ્રીમતી મંજુલાબેન ગુણવંતભાઈ સી. દોશી, મદ્રાસ
૧૧. શ્રીમતી કુંદનબેન રતીલાલ જે. શાહ કાપડીયા પરિવાર તરફથી લખતર, હાલ-મદ્રાસ
૧૨. શ્રી વાડીલાલ કાળીદાસભાઈ દોશી, મોરબી, હાલ-મદ્રાસ
૧૩. શ્રે. પી. બી. શાહ એન્ડ કું. હ. અરવિંદભાઈ મોરબી, હાલ-મદ્રાસ
૧૪. સ્વ. ખાતુશ્રી ચંપાબેનના સ્મરણાર્થે શ્રી નગીનદાસ અમૃતલાલ શાહ, મદ્રાસ
૧૫. અમરીભાઈના સ્મરણાર્થે હ. બાબુલાલ - મહાવીરચંદ બોહરા, મદ્રાસ

[4]

સા. મોક્ષરત્નાશ્રીજી તથા સા. શ્રી સમજ્ઞાશ્રીજીની પ્રેરણાથી - હાલ યુલિયાવાળા

૧ કંતિલાલ હનરીલાલ ચોવરીયા

૨ સંઘવી રતનલાલ ભગવાનદાસ રાઠોડ

૩ મધુમતી રાજેશ રેદાસની

૪ સરલાબેન રમેશચંદ્ર વોરા

૫ સુમનબાઈ બાલચંદજી ચોરડીયા

૬ અ.સી.હંસાબેન ઉત્તમલાલ સુખડીયાના વર્ષિતમ નિમિત્તે ઉત્તમલાલ રતીલાલ રાણપુરાવાળા તરફથી

૭ સ્વ. પૂ. પિતાશ્રી રતિલાલ તારાચંદ તથા કાન્તાબેન રતીલાલના આત્મશ્રેયાર્થે તેમના સુપુત્રો તરફથી

૧ સુખડીયા હસમુખલાલ વનેચંદ (જમવંશલી) નંદુરબાર

૨ ગં. સ્વ. સુરજબેન પદમશી શાહ. હ. જ્યોતિબેન નંદુરબાર

૩ સા. સમજ્ઞાશ્રીજીની પ્રેરણાથી શ્રી અજિતનાથ - ખંદિર શ્વે. પૂર્તિ સંઘના પ્રાવિકાબહેનો નંદુરબાર

૪ સા. સમજ્ઞાશ્રીજીની પ્રેરણાથી - શાહ યુનિલાલજી શિવલાલજી, સોનગીર

૫ સુખડીયા ચંત્રભુજ જગમોહનદાસ હ. વીરાભાઈ - ચોરાજી

૬ શાહ મફતલાલ ફકીરચંદ, વિધિકરક (ડભોઈ) હાલ-અમદાવાદ

૭ સા. શ્રી સૌમ્યગુણાશ્રીજીની પ્રેરણાથી રમેશચંદ્ર મનસુખલાલ શાહ, અમદાવાદ

૮ સા.શ્રી સૌમ્યગુણાશ્રીજીની પ્રેરણાથી શ્રીમતી જસુદેબેન લક્ષ્મીચંદ મેતા, હ.ઈન્દુભાઈ દામણી, સુરત

૯ સા. શ્રી મોક્ષરત્નાશ્રીજીની પ્રેરણાથી સ્વ. સોમચંદ બોયાભાઈ પરિવાર હ. બાહુબેન, રામપુરા

૧૦ પૂ. આગમોદારકશ્રીના સમુદાયના દીર્ઘસંઘથી વિદુમ્ની સા. શ્રી સુતરાશ્રીજી જામનગરવાળાના ઉપદેશથી તથા તેમના પદ્મશિષ્યાની પુનિત પ્રેરણાથી

૧૧ ભોગીલાલ ત્રિભોવનદાસ શાહ, હ. નયનાબેન, વડોદરા

૧૨ સંગીતા અજમેરીયા - મોરબી

● જપ આમઝસેટ ચોજના-નામદાતા ●

૧ પરમાર દીપ્તી રાજેશકુમાર-વડોદરા

૨. સા. શ્રી સૌમ્યગુણાશ્રીજીની પ્રેરણાથી કિરણબેન અજિતકુમાર કાપડીયા, વડોદરા

૩. સા. શ્રી સમજ્ઞાશ્રીજીની પ્રેરણાથી - શ્રી નિજામપુરા જૈન સંઘ, વડોદરા

૪. સા. શ્રી સમજ્ઞાશ્રીજીની પ્રેરણાથી - ચંદ્રિકાબેન મહેશભાઈ શાહ, વડોદરા

૫. સા. શ્રી મોક્ષરત્નાશ્રીજીની પ્રેરણાથી ગં. સ્વ. વસંતબેન તંબકલાલ દોશી, નંદુરબાર

૬. માહોકબેન શાહ- વડોદરા

૭. શોભનાબેન શાહ - વડોદરા

ગંથાણુક્રમ

ક્રમકો	છદેસક	સુત્રં	ગાથા	જણુક્રમ	પિટ્ટંકો
૧	પદમો	૧-૩૫	-	૧-૩૫	૨-૬
૨	ચિઝો	૧-૩૦	-	૩૬-૬૫	૬-૮
૩	તદ્વિઝો	૧-૨૯	-	૬૬-૯૪	૮-૧૧
૪	ચઝત્થો	૧-૩૨	-	૯૫-૧૨૬	૧૧-૧૪
૫	પંચમો	૧-૨૧	-	૧૨૭-૧૪૭	૧૪-૧૬
૬	છટ્ઠો	૧-૧૨	-	૧૪૮-૧૫૯	૧૬-૧૭
૭	સત્તમો	૧-૨૭	-	૧૬૦-૧૮૬	૧૭-૧૯
૮	અઠ્ઠમે	૧-૧૬	-	૧૮૭-૨૦૨	૧૯-૨૧
૯	નવમો	૧-૪૬	-	૨૦૩-૨૪૮	૨૧-૨૪
૧૦	દસમો	૧-૩૭	-	૨૪૯-૨૮૫	૨૫-૨૮

પરિસિટ્ઠ-નિદંસણં

ક્રમ	પરિસિટ્ઠં	પિટ્ટંકો
૧	વિસવાણુક્રમો	૮
૨	વિસિટ્ઠસહાણુક્રમો	૮
૩	વિસેત નામાણુક્રમો	૮
૪	ગાથાણુક્રમો	૮
૫	સુતાણુક્રમો	૮

સુચનાપત્ર

૧. આગમ સૂત્રોમાં ડાબી બાજુએ છપાયેલ પ્રથમ-અંક, સૂત્ર તથા ગાથાનો સંમુક્ત સર્ગાંગ ક્રમાંક સૂચવે છે. [જણુક્રમ]
૨. છેડે જમણી બાજુએ દર્શાવેલ હિન્દી ક્રમાંકને આગમવંજુષામાં છપાયેલ સૂત્રાંક અને ગાથાંક સૂચવે છે. [કવ]
૩. સૂત્રને જણાવવા માટે અહીં ઉભા લીટા । ની વચ્ચે આગમવંજુષાનો સૂત્રાંક મુકેલો છે. [સુત્રાંકો]
૪. ગાથાને જણાવવા માટે અહીં બે ઉભા લીટા ॥ ની વચ્ચે આગમવંજુષા નો ગાથાંક મુકેલો છે. [ગાથાંકો]
૫. છેડે જમણી બાજુએ દર્શાવેલ અંગ્રેજી ક્રમાંક - વૃત્તિઓ અંક જણાવવા માટે છે. અહીં આપેલ કોઈ પણ સૂત્ર કે ગાથાની વૃત્તિ જોવી હોય તો જે-તે અભ્યવનાદિ નો વૃત્તિમાં જે અંક હોય તે જ અંક અહીં અંગ્રેજી ક્રમાંકને કરી નોંધેલો છે.
૬. અંગ્રેજી ક્રમાંકને માં જ્યાં અંક પછી R આવે ત્યાં આ સૂત્રાંક કે ગાથાંક વૃત્તિમાં બીજી વખત આવેલો જાણવો. - શોધવો.
૭. જ્યાં સૂત્રોમાં [] આ રીતે ચોરસ કૌંસ મુકેલા છે તે બે ચોરસ કૌંસ વચ્ચેનું લખાણ જાય વાળા પાઠ્યેની કરેલ પૂર્તિ દર્શાવે છે.

नमो नमो निम्नत दंष्टणस्स

पंचम गणधर श्री सुधर्मा स्वामिने नमः

३ ६ ववहार

तइयं छेयसुत्तं

पढमो—उद्देशो

(१) जे भिक्खू मासियं परिहारद्वणं पिसेविता आलोएज्जा अपलिउंचियं आलोएमाणस्स मासियं पलिउंचियं आलोएमाणस्स दोमासियं ।१।-१

(२) जे भिक्खू दोमासियं परिहारद्वणं पडिसेविता आलोएज्जा अपलिउंचियं आलोएमाणस्स दोमासियं पलिउंचियं आलोएमाणस्स तेमासियं ।२।-२

(३) जे भिक्खू तेमासियं परिहारद्वणं पडिसेविता आलोएज्जा अपलिउंचियं आलोएमाणस्स तेमासियं पलिउंचियं आलोएमाणस्स चाउम्मासियं ।३।-३

(४) जे भिक्खू चाउम्मासियं पडिहारद्वणं पडिसेविता आलोएज्जा अपलिउंचियं आलोएमाणस्स चाउम्मासियं पलिउंचियं आलोएमाणस्स पंचमासियं ।४।-४

(५) जे भिक्खू पंचमासियं पडिहारद्वणं परिसेविता आलोएज्जा अपलिउंचियं आलोएमाणस्स पंचमासियं पलिउंचियं आलोएमाणस्स छम्मासियं तेण परं पलिउंचिए वा अपलिउंचिए वा ते चेव छम्मासा ।५।-५

(६) जे भिक्खू बहुसोवि मासियं परिहारद्वणं पडिसेविता आलोएज्जा अपलिउंचियं आलोएमाणस्स मासियं पलिउंचियं आलोएमाणस्स दोमासियं ।६।-६

(७) जे भिक्खू बहुसोवि दोमासियं परिहारद्वणं पडिसेविता आलोएज्जा अपलिउंचियं आलोएमाणस्स दोमासियं पलिउंचियं आलोएमाणस्स तेमासियं ।७।-७

(८) जे भिक्खू बहुसोवि तेमासियं परिहारद्वणं पडिसेविता आलोएज्जा अपलिउंचियं आलोएमाणस्स तेमासियं पलिउंचियं आलोएमाणस्स चाउम्मासियं ।८।-८

(९) जे भिक्खू बहुसोवि चाउम्मासियं परिहारद्वणं पडिसेविता आलोएज्जा अपलिउंचियं आलोएमाणस्स चाउम्मासियं पलिउंचियं आलोएमाणस्स पंचमासियं ।९।-९

(१०) जे भिक्खू बहुसोवि पंचमासियं परिहारद्वणं पडिसेविता आलोएज्जा अपलिउंचियं आलोएमाणस्स पंचमासियं पलिउंचियं आलोएमाणस्स छम्मासियं तेण परं पलिउंचिए वा अपलिउंचिए वा ते चेव छम्मासा ।१०।-१०

(११) जे भिक्खू मासियं वा दोमासियं वा तेमासियं वा चाउम्मासियं वा पंचमासियं वा एएसिं परिहारद्वणं अन्नयरं परिहारद्वणं पडिसेविता आलोएज्जा अपलिउंचियं आलोएमाणस्स मासियं वा दोमासियं वा तेमासियं वा चाउम्मासियं वा पंचमासियं वा पलिउंचियं आलोएमाणस्स दोमासियं वा तेमासियं वा चाउम्मासियं वा पंचमासियं वा छम्मासियं वा तेण परं पलिउंचिए वा अपलिउंचिए वा ते चेव छम्मासा ।११।-११

(१२) जे भिक्खू बहुसोवि मासियं वा बहुसोवि दोमासियं वा बहुसोवि तेमासियं वा बहुसोवि चाउम्मासियं वा बहुसोवि पंचमासियं वा एएसिं परिहारद्वणं अन्नयरं परिहारद्वणं

अपलिउंचिए पलिउंचियं पलिउंचिए अपलिउंचियं पलिउंचिए पलिउंचियं, पलिउंचिए पलिउंचियं आलोएमाणस्स सच्चमेयं सकयं साहणिय जे एयाए पट्टवणाए पट्टविए निव्विसमाणे पडिसेवेइ से वि कसिणे तत्थेव आरुहेयव्वे सिया 19७1-17

(१८) [एवं] जे भिक्खू बहुसोयि [चाउम्भासियं वा बहुसोयि साइरेगचाउम्भासियं वा बहुसोयि पंचमासियं वा बहुसोवि साइरेगपंचमासियं वा एएसि परिहारद्वणाणं अण्णयरं परिहारद्वणं पडिसेवित्ता आलोएज्जा पलिउंचियं आलोएमाणे ठवणिज्जं ठवइत्ता करणिज्जं वेयावडियं ठविए वि पडिसेवित्ता से वि कसिणे तत्थेव आरुहेयव्वेसिया पुव्वि पडिसेवियं पुव्वि आलोइयं पुव्वि पडिसेवियं पच्छा आलोइयं पच्छा पडिसेवियं पुव्वि आलोइयं पच्छा पडिसेवियं पच्छा आलोइयं अपलिउंचिए अपलिउंचियं अपलिउंचिए पलिउंचियं पलिउंचिए अपलिउंचियं पलिउंचिए पलिउंचियं पलिउंचिए पलिउंचियं लोएमाणस्स सच्चमेयं सकयं साहणियं जे एयाए पट्टवणाए पट्टविए निव्विसमाणे पडिसेवेइ से वि कसिणे तत्थेव आरुहेयव्वे सिया] 19८1-18

(१९) बहवे पारिहारिया बहवे अपारिहारिया इच्छेज्जा एगयओ अभिनिसेज्जं वा अभिनिसीहियं वा चेएत्तए नो से कप्पइ थेरे अणापुच्छित्ता एगयओ अभिनिसेज्जं वा अभिनिसीहियं वा चेएत्तए कप्पइ ण्हं थेरे आपुच्छित्ता एगयओ अभिनिसेज्जं वा अभिनिसीहियं वा चेएत्तए थेरा य ण्हं से नो वियरेज्जा एय ण्हं कप्पइ एगयओ अभिनिसेज्जं वा अभिनिसीहियं वा चेएत्तए थेरा य ण्हं से नो वियरेज्जा एय ण्हं नो कप्पइ एगयओ अभिनिसेज्जं वा अभिनिसीहियं वा चेएत्तए जो णं थेरेहिं अविइण्णे अभिनिसेज्जं अभिनिसीहियं वा चेएइ से संतरा छेए वा परिहारे वा 19९1-20

(२०) परिहारकप्पड्डिए भिक्खू बहिया थेराणं वेयावडियाए गच्छेज्जा थेरा य से सरेज्जा कप्पइ से एगराइयाए पडिमाए जण्णं-जण्णं दिसं अण्णे साहम्मिया विहरंति तण्णं-तण्णं दिसं उवलित्तए नो से कप्पइ तत्थे विहारवत्तियं वत्थए कप्पति से तत्थे कारणवत्तियं वत्थए तंसि च णं कारणंसि निद्वियंसि परो दएज्जा-वसाहि अज्जो एगरायं वा दुरायं वा एवं से कप्पइ एगरायं वा दुरायं वा वत्थए नो से कप्पइ परं एगरायाओ वा दुरायाओ वा वत्थए जं तत्थे परं एगरायाओ वा दुरायाओ वा वसइ से संतरा छेए वा परिहारे वा 1२१1-

(२१) परिहारकप्पड्डिए भिक्खू बहिया थेराणं वेयावडियाए गच्छेज्जा थेरा य नो सरेज्जा कप्पति से निव्विसमाणस्स एगराइयाए पडिमाए जण्णं-जण्णं दिसिं अन्ने साहम्मिया विहरंति तण्णं-तण्णं दिसं उवलित्तए नो से कप्पति तत्थे विहारवत्तियं वत्थए कप्पति से तत्थे कारणवत्तियं वत्थए तंसि च णं कारणंसि निद्वियंसि परोवएज्जा-वसाहि अज्जो एगरायं वा दुरायं वा एवं से कप्पइ एगरायं वा दुरायं वा वत्थए नो से कप्पइ परं एगरायाओ वा दुरायाओ वा वत्थए जं तत्थे परं एगरायाओ वा दुरायाओ वा वसइ से संतरा छेए वा परिहारे वा 1२१1-21

(२२) परिहारकप्पड्डिए भिक्खू बहिया थेराणं वेयावडियाए गच्छेज्जा थेरा य से सरेज्जा वा नो वा सरेज्जा कप्पइ से निव्विसमाणस्स एगराइयाए पडिमाए जण्णं-जण्णं दिसिं अण्णे साहम्मिया विहरंति तण्णं-तण्णं दिसं उवलित्तए नो से कप्पति तत्थे विहारवत्तियं वत्थए कप्पइ से तत्थे कारणवत्तियं वत्थए तंसि च णं कारणंसि निद्वियंसि परो दएज्जा-वसाहि अज्जो एगरायं वा दुरायं वा एवं से कप्पइ एगरायं वा दुरायं वा वत्थए नो से कप्पइ परं एगरायाओ वा दुरायाओ वा वत्थए जं तत्थे परं एगरायाओ वा दुरायाओ वा वसइ से संतरा छेए वा परिहारे वा 1२२1-22

(२३) भिक्खू य गणाओ अवक्कम्म एगल्लविहारपडिमं उवसंपञ्जिताणं विहरेज्जा से य इच्छेज्जा दोच्चं पि तमेव गणं उवसंपञ्जिताणं विहरित्तए पुणो आलोएज्जा पुणो पडिक्कमेज्जा पुणो छेय-परिहारस्स उवट्ठाएज्जा ।२३।-२२-२

(२४) गणावच्छेइए य गणाओ अवक्कम्म एगल्लविहारपडिमं उवसंपञ्जिताणं विहरेज्जा से य इच्छेज्जा दोच्चं पि तमेव गणं उवसंपञ्जिताणं विहरित्तए पुणो आलोएज्जा पुणो पडिक्कमेज्जा पुणो छेय-परिहारस्स उवट्ठाएज्जा ।२४।-२३

(२५) आयरिय-उवज्जाए य गणाओ अवक्कम्म एगल्लविहारपडिमं उवसंपञ्जिताणं विहरेज्जा से य इच्छेज्जा दोच्चं पि तमेव गणं उवसंपञ्जिताणं विहरित्तए पुणो आलोएज्जा पुणो पडिक्कमेज्जा पुणो छेय-परिहारस्स उवट्ठाएज्जा ।२५।-२४

(२६) भिक्खू य गणाओ अवक्कम्म पासत्थविहारं विहरेज्जा से य इच्छेज्जा दोच्चं पि तमेव गणं उवसंपञ्जिताणं विहरित्तए अत्थियाइं त्थ केइ सेसे पुणो आलोएज्जा पुणो पडिक्कमेज्जा पुणो छेय-परिहारस्स उवट्ठाएज्जा ।२६।-२५

(२७) भिक्खू य गणाओ अवक्कम्म अहाउंदविहारं विहरेज्जा से य इच्छेज्जा दोच्चं पि तमेव गणं उवसंपञ्जिताणं विहरित्तए अत्थियाइं त्थ केइ सेसे पुणो आलोएज्जा पुणो पडिक्कमेज्जा पुणो छेय-परिहारस्स उवट्ठाएज्जा ।२७।-२६

(२८) भिक्खू य गणाओ अवक्कम्म कुसीलविहारं विहरेज्जा से य इच्छेज्जा दोच्चं पि तमेव गणं उवसंपञ्जिताणं विहरित्तए अत्थियाइं त्थ केइ सेसे पुणो आलोएज्जा पुणो पडिक्कमेज्जा पुणो छेय-परिहारस्स उवट्ठाएज्जा ।२८।-२७

(२९) भिक्खू य गणाओ अवक्कम्म ओसन्नविहारं विहरेज्जा से य इच्छेज्जा दोच्चं पि तमेव गणं उवसंपञ्जिताणं विहरित्तए अत्थियाइं त्थ केइ सेसे पुणो आलोएज्जा पुणो पडिक्कमेज्जा पुणो छेय-परिहारस्स उवट्ठाएज्जा ।२९।-२८

(३०) भिक्खू य गणाओ अवक्कम्म संसत्तविहारं विहरेज्जा से य इच्छेज्जा दोच्चं पि तमेव गणं उवसंपञ्जिताणं विहरित्तए अत्थियाइं त्थ केइ सेसे पुणो आलोएज्जा पुणो पडिक्कमेज्जा पुणो छेय-परिहारस्स उवट्ठाएज्जा ।३०।-२९

(३१) भिक्खू य गणाओ अवक्कम्म परपासंडपडिमं उवसंपञ्जिताणं विहरेज्जा से य इच्छेज्जा दोच्चं पि तमेव गणं उवसंपञ्जिताणं विहरित्तए नत्थि णं तस्स तप्पत्तियं केइ छेए वा परिहारे वा नण्णत्थ एगाए आलोयणाए ।३१।-३०

(३२) भिक्खू य गणाओ अवक्कम्म ओहावेज्जा से य इच्छेज्जा दोच्चं पि तमेव गणं उवसंपञ्जिताणं विहरित्तए नत्थि णं तस्स केइ तप्पत्तियं छेए वा परिहारे वा नण्णत्थ एगाए सेहो-वट्ठावणियाए ।३२।-३१

(३३) भिक्खू य अण्णयरं अकिच्चट्ठाणं सेवित्ता इच्छेज्जा आलोएत्तए जत्थेव अण्णो आयरिय-उवज्जाए पासेज्जा तेसत्तियं आलोएज्जा पडिक्कमेज्जा निंदेज्जा गरहेज्जा विउट्ठेज्जा विसो-हेज्जा अकरणयाए अब्बुट्ठेज्जा अहारिहं तवोकम्मं पायच्छित्तं पडिवज्जेज्जा ।३३।-३२

(३४) नो चेव अण्णो आयरिय-उवज्जाए पासेज्जा जत्थेव संभोइयं साहम्मियं पासेज्जा बहुस्सुयं बब्भागमं तस्सत्तियं आलोएज्जा जाव पायच्छित्तं पडिवज्जेज्जा नो चेव संभोइयं साहम्मियं बहुस्सुयं वब्भागमं पासेज्जा जत्थेव अण्णसंभोइयं साहम्मियं पासेज्जा बहुस्सुयं बब्भागमं तस्सत्तियं

आलोएजा जाव पायच्छित्तं पडिवजेजा नो चेव अण्णसंभोइयं साहम्मियं बहुस्सुयं बब्भागमं पासेजा जत्थेव सारुवियं पासेजा बहुस्सुयं बब्भागमं तस्संतियं आलोएजा जाव पायच्छित्तं पडिवजेजा नो चेव सारुवियं बहुस्सुयं बब्भागमं पासेजा जत्थेव समणोवासंगं पच्छकडं पासेजा बहुस्सुयं बब्भागमं तस्संतियं आलोएजा जाव पायच्छित्तं पडिवजेजा नो चेव समणोवासंगं पच्छकडं बहुस्सुयं बब्भागमं पासेजा जत्थेव सम्भंभाविद्याइं चेइयाइं पासेजा तेसंतिए आलोएजा जाव पायच्छित्तं पडिवजेजा ।३४।-३३

(३५) नो चेव सम्भंभाविद्याइं चेइयाइं पासेजा बहिया गामस्स वा नगरस्स वा निगमस्स वा रायहाणीए वा खेडस्स वा कब्बडस्स वा मडंबस्स वा पट्टणस्स वा दोणमुहस्स वा आसमस्स वा संयाहस्स वा संनिवेसस्स वा पाईणाभिमुहे वा उदीणाभिमुहे धा करयलपरिग्गहियं सिरसावत्तं मत्थाए अंजलिं कट्टु एवं दएजा-एवइया मे अवराहा एवइक्खुत्तो अहं अवरद्धो अरहंताणं सिद्धाणं अंतिए आलोएजा पडिक्कमेजा निदेजा गरहेजा विउट्टेजा विसोहेजा अकरणयाए अब्भुट्टेजा अहारिहं तवोकम्मं पायच्छित्तं पडिवजेजासि ति बेमि ।३५।-३४

● पढ्ढो उहेसो सप्तो ●

वीओ—उहेसो

(३६) दो साहम्मिया एगओ विहरंति एगे तत्थ अण्णयरं अकिच्चट्टाणं पडिसेवेत्ता आलोएजा ठवणिज्जं ठवइत्ता करणिज्जं वेयावडियं ।१।-१

(३७) दो साहम्मिया एगओ विहरंति दो वि ते अण्णयरं अकिच्चट्टाणं पडिसेवेत्ता आलोएजा एगं तत्थ कप्पागं ठवइत्ता एगे निव्विसेजा अह पच्छ से वि निव्विसेजा ।२।-२

(३८) बहवे साहम्मिया एगओ विहरंति एगे तत्थ अण्णयरं अकिच्चट्टाणं पडिसेवेत्ता आलोएजा ठवणिज्जं ठवइत्ता करणिज्जं वेयावडियं ।३।-३

(३९) बहवे साहम्मिया एगओ विहरंति सच्चे वि ते अण्णयरं अकिच्चट्टाणं पडिसेवेत्ता आलोएजा एगं तत्थ कप्पागं ठवइत्ता अवसेसा निव्विसेजा अह पच्छ से वि निव्विसेजा ।४।-४

(४०) परिहारकप्पट्टिए भिक्खुं गिलायमाणे अण्णयरं अकिच्चट्टाणं पडिसेवेत्ता आलोएजा से य संथरेजा ठवणिज्जं ठवइत्ता करणिज्जं वेयावडियं से य नो संथरेजा अनुपरिहारिएणं करणिज्जं वेयावडियं से तं अनुपरिहारिएणं कीरमाणं वेयावडियं साइजेजा से वि कसिणे तत्थेव आरुहेयच्चे सिया ।५।-५

(४१) परिहारकप्पट्टियं भिक्खुं गिलायमाणं नो कप्पइ तस्स गणावच्छेइयस्स निज्जूहित्तए अगिलाए तस्स करणिज्जं वेयावडियं जाव तओ रोगायंकाओ विप्पमुक्को तओ पच्छा तस्स अहालहुसए नामं ववहारे पट्टवियच्चे सिया ।६।-६

(४२) अणवट्ठप्पं भिक्खुं गिलायमाणं नो कप्पइ तस्स गणावच्छेइयस्स निज्जूहित्तए अगिलाए तस्स करणिज्जं वेयावडियं जाव तओ रोगायंकाओ विप्पमुक्को तओ पच्छा तस्स अहालहुसए नामं ववहारे पट्टवियच्चे सिया ।७।-७

(४३) पारंथियं भिक्खुं गिलायमाणं नो कप्पाइ तस्स गणावच्छेइयस्स निज्जूहित्तए अगिलाए तस्स करणिज्जं वेयावडियं जाव तओ रोगायंकाओ विप्पमुक्को तओ पच्छा तस्स अहालहुसए नामं ववहारे पट्टवियच्चे सिया ।८।-८-८

(४४) खित्तचित्तं भिक्षुं गिलायमाणं नो कप्पइ तस्स गणावच्छेइयस्स निज्जूहित्ताए अगिलाए तस्स करणिज्जं वेयावडियं जाव तओ रोगायंकाओ विप्पमुक्को तओ पच्छा तस्स अहालहुसए नामं ववहारे पट्टवियव्वे सिया।१।९

(४५) दित्तचित्तं भिक्षुं गिलायमाणं नो कप्पइ तस्स गणावच्छेइयस्स निज्जूहित्ताए अगिलाए तस्स करणिज्जं वेयावडियं जाव तओ रोगायंकाओ विप्पमुक्को तओ पच्छा तस्स अहालहुसए नामं ववहारे पट्टवियव्वे सिया।१०।-१०

(४६) जक्खाइडुं भिक्षुं गिलायमाणं नो कप्पइ तस्स गणावच्छेइयस्स निज्जूहित्ताए अगिलाए तस्स करणिज्जं वेयावडियं जाव तओ रोगायंकाओ विप्पमुक्को तओ पच्छा तस्स अहालहुसए नामं ववहारे पट्टवियव्वे सिया।११।-११

(४७) उम्मायपत्तं भिक्षुं गिलायमाणं नो कप्पइ तस्स गणावच्छेइयस्स निज्जूहित्ताए अगिलाए तस्स करणिज्जं वेयावडियं जाव तओ रोगायंकाओ विप्पमुक्को तओ पच्छा तस्स अहालहुसए नामं ववहारे पट्टवियव्वे सिया।१२।-१२

(४८) उवसागपत्तं भिक्षुं गिलायमाणं नो कप्पइ तस्स गणावच्छेइयस्स निज्जूहित्ताए अगिलाए तस्स करणिज्जं वेयावडियं जाव तओ रोगायंकाओ विप्पमुक्को तओ पच्छा तस्स अहालहुसए नामं ववहारे पट्टवियव्वे सिया।१३।-१३

(४९) साहिररणं भिक्षुं गिलायमाणं नो कप्पइ तस्स गणावच्छेइयस्स निज्जूहित्ताए अगिलाए तस्स करणिज्जं वेयावडियं जाव तओ रोगायंकाओ विप्पमुक्को तओ पच्छा तस्स अहालहुसए नामं ववहारे पट्टवियव्वे सिया।१४।-१४

(५०) सपायच्छित्तं भिक्षुं गिलायमाणं नो कप्पइ तस्स गणावच्छेइयस्स निज्जूहित्ताए अगिलाए तस्स करणिज्जं वेयावडियं जाव तओ रोगायंकाओ विप्पमुक्को तओ पच्छा तस्स अहालहुसए नामं ववहारे पट्टवियव्वे सिया।१५।-१५

(५१) भत्तपाणपडियाइक्खित्तं भिक्षुं गिलायमाणं नो कप्पइ तस्स गणावच्छेइयस्स निज्जूहित्ताए अगिलाए तस्स करणिज्जं वेयावडियं जाव तओ रोगायंकाओ विप्पमुक्को तओ पच्छा तस्स अहालहुसए नामं ववहारे पट्टवियव्वे सिया।१६।-१६

(५२) अट्टजायं भिक्षुं गिलायमाणं नो कप्पइ तस्स गणावच्छेइयस्स निज्जूहित्ताए अगिलाए तस्स करणिज्जं वेयावडियं जाव तओ रोगायंकाओ विप्पमुक्को तओ पच्छा तस्स अहालहुसए नामं ववहारे पट्टवियव्वे सिया।१७।-१७

(५३) अणवट्टप्पं भिक्षुं अगिहिभूयं नो कप्पइ तस्स गणावच्छेइयस्स उवट्टावेत्ताए।१८।-१८

(५४) अणवट्टप्पं भिक्षुं गिहिभूयं कप्पइ तस्स गणावच्छेइयस्स उवट्टावेत्ताए।१९।-१९

(५५) पारंघियं भिक्षुं अगिहिभूयं नो कप्पइ तस्स गणावच्छेइयस्स उवट्टावेत्ताए।२०।-२०

(५६) पारंघियं भिक्षुं गिहिभूयं कप्पइ तस्स गणावच्छेइयस्स उवट्टावेत्ताए।२१।-२१

(५७) अणवट्टप्पं भिक्षुं अगिहिभूयं वा गिरिभूयं वा कप्पइ तस्स गणावच्छेइयस्स उवट्टावेत्ताए जहा तस्स गणस्स पत्तियं सिया।२२।-२२

(५८) पारंघियं भिक्षुं अगिहिभूयं वा गिहिभूयं वा कप्पइ तस्स गणावच्छेइयस्स उवट्टावेत्ताए जहा तस्स गणस्स पत्तियं सिया।२३।-२३

(५९) दो साहम्मिया एगओ विहरंति एगे तत्थ अण्णयरं अकिच्चट्टाणं पडिसेवित्ता

आलोएजा-अहं णं भंते अमुगेणं साहुणा सद्धिं इमपि कारणमि पडिसेवी से य पुच्छियव्वे किं अज्जो पडिसेवी उदाहु अपडिसेवी से य वएजा-पडिसेवी परिहापत्ते से य वएजा-नो पडिसेवी नो परिहारपत्ते जं से पमाणं वयइ से पमाणाओ धेतव्वे से किमाहु भंते सच्चपइण्णा ववहारा ।२४।-२४

(६०) भिक्खू य गणाओ अवकम्म ओहाणुप्पेही वखेजा से य अणोहाइए चेव इच्छेजा दोद्यं पि तमेव गणं उवसंपज्जित्ताणं विहरित्ताए तत्थ णं थेराणं इमेयारूवे विवादे समुपपज्जित्था-इमं भो जाणह किं पडिसेवी अपडिसेवी से य पुच्छियव्वे सिवा किं अज्जो पडिसेवी उदाहु अपडिसेवी से य वएजा-पडिसेवी परिहारपत्ते से य वएजा-नो पडिसेवी नो परिहारपत्ते जं से पमाणं वयइ से पमाणाओ धेतव्वे से किमाहु भंते सच्चपइण्णा ववहारा ।२५।-२५

(६१) एगपक्खियस्स भिक्खुस्स कप्पति इत्तरियं दिसं वा अनुदिसं वा उद्दिसित्तए वा धारेत्तए वा जहा वा तस्स गणस्स पत्तियं सिया ।२६।-२६

(६२) बहवे परिहारिया बहवे अपरिहारिया इच्छेजा एगयओ एगमासं वा दुमासं वा तिमासं वा चउमासं वा पंचमासं वा छप्पासं वा वत्थाए ते अन्नमन्नं संपुंजंति अन्नमन्नं नो संपुंजंति मासं तओ पच्छा सव्वे वि एगओ संपुंजंति ।२७।-२७

(६३) परिहारकप्पट्टियस्स भिक्खुस्स नो कप्पइ असणं वा पाणं वा खाइमं वा साइमं वा दाउं वा अनुपदाउं वा थेरा य णं वएजा-इमं ता अज्जो तुमं एएसिं देहि वा अनुपदेहि वा एवं से कप्पइ दाउं वा अनुपदाउं वा कप्पइ से तेवं अनुजाणायेत्तए अनुजाणह भंते तेवाए एवं से कप्पइ तेवं समासेवित्तए ।२८।-२८

(६४) परिहारकप्पट्टिए भिक्खू सएणं पडिगाहेणं बहिया अप्पणो वेयावडियाए गच्छेजा थेरा य णं वएजा-पडिगाहेहि णं अज्जो अहं पि भोक्खामि वा पाहामि वा एवं से कप्पइ पडिगाहेत्तए तत्थ नो कप्पइ अपरिहारियस्स परिहारियस्स पडिगहंसि असणं वा पाणं वा खाइमं वा साइमं वा भोत्तए वा पायए वा कप्पइ से सयंसि वा पडिगहंसि सयंसि वा पलासगंसि सयंसि वा कमढगंसि सयंसि वा खुव्वगंसि पाणिसि वा उच्छड्ड-उच्छड्ड भोत्तए वा पायए वा एस कप्पो अपरिहारियस्स परिहारियाओ ।२९।-२९

(६५) परिहारकप्पट्टिए भिक्खू थेराणं पडिगाहेणं बहिया थेराणं वेयावडियाए गच्छेजा थेरा य णं वएजा-पडिगाहेहि णं अज्जो तुमं पि भोक्खसि वा पाहिसि वा एवं से कप्पइ पडिगाहेत्तए तत्थ नो कप्पइ परिहारियस्स अपरिहारियस्स पडिगहंसि असणं वा पाणं वा खाइमं वा साइमं वा भोत्तए वा पायए वा कप्पइ से सयंसि वा पडिगहंसि सयंसि वा पलासगंसि सयंसि वा कमढगंसि सयंसि वा खुव्वगंसि पाणिसि वा उच्छड्ड-उच्छड्ड भोत्तए वा पायए वा एस कप्पो परिहारियस्स अपरिहारियाओ त्ति वेमि ।३०।-३०

● बीओ उद्देसो त्तमत्तो ●

तइओ—उद्देसो

(६६) भिक्खू य इच्छेजा गणं धारेत्तए भगवं च से अपलिच्छन्ने एवं से नो कप्पइ गणं धारेत्तए भगवं च से पलिच्छन्ने एवं से कप्पइ गणं धारेत्तए ।३१।-३१

(६७) भिक्खू य इच्छेजा गणं धारेत्तए नो से कप्पइ थेरे अणापुच्छित्ता गणं धारेत्तए कप्पइ से थेरे आपुच्छित्ता गणं धारेत्तए थेरा य से वियरेजा एवं से कप्पइ गणं धारेत्तए थेरा य से नो

वियोजा एवं से नो कप्पइ गणं धारेत्ताए जण्णं धेरेहिं अविइण्णं गणं धारेज्जा से संतरा खेओ वा परिहारो वा ।२।-२

(६८) तिवासपरियाए समणे निग्गंथे आयारकुसले संजमकुसले पवयणकुसले पत्रत्तिकुसले संगहकुसले उवग्गहकुसले अक्खयायारे असबलायारे अभिन्नायारे असंकिलिद्धायारे बहुस्सुए बब्भागमे जहण्णेणं आयारपकप्पधरे कप्पइ उवज्जायत्ताए उद्दिसित्ताए ।३।-३

(६९) स छेव णं से तिवासपरियाए समणे निग्गंथे नो आयारकुसले नो संजमकुसले नो पवयणकुसले नो पत्रत्तिकुसले नो संगहकुसले नो उवग्गहकुसले खयायारे सबलायारे भिन्नायारे संकिलिद्धायारे अप्पसुए अप्पगमे नो कप्पइ उवज्जायत्ताए उद्दिसित्ताए ।४।-४

(७०) पंचवासपरियाए समणे निग्गंथे आयारकुसले संजमकुसले पवयणकुसले पत्रत्तिकुसले संगहकुसले उवग्गहकुसले अक्खयायारे असबलायारे अभिन्नायारे असंकिलिद्धायारे बहुस्सुए वत्थगमे जहण्णेणं दसा-कप्प-ववहारधरे कप्पइ आयरिय उवज्जायत्ताए उद्दिसित्ताए ।५।-५

(७१) स छेव णं से पंचवासपरियाए समणे निग्गंथे नो आयारकुसले नो संजमकुसले नो पवयणकुसले नो पत्रत्तिकुसले नो संगहकुसले नो उवग्गहकुसले खयायारे सबलायारे भिन्नायारे संकिलिद्धायारे अप्पसुए अप्पगमे नो कप्पइ आयरिय-उवज्जायत्ताए उद्दिसित्ताए ।६।-६

(७२) अट्टवासपरियाए समणे निग्गंथे आयारकुसले संजमकुसले पवयणकुसले पत्रत्तिकुसले संगहकुसले उवग्गहकुसले अक्खयायारे असबलायारे अभिन्नायारे असंकिलिद्धायारे बहुस्सुए बब्भागमे जहण्णेणं ठाण-समवायधरे कप्पइ आयरियत्ताए उवज्जायत्ताए पवत्तिताए येरत्ताए गणित्ताए गणावच्छेइयत्ताए उद्दिसित्ताए ।७।-७

(७३) स छेव णं से अट्टवासपरियाए समणे निग्गंथे नो आयारकुसले नो संजमकुसले नो पवयणकुसले नो पत्रत्तिकुसले नो संगहकुसले नो उवग्गहकुसले खयायारे सबलायारे भिन्नायारे संकिलिद्धायारे अप्पसुए अप्पगमे नो कप्पइ आयरियत्ताए जाव गणावच्छेइयत्ताए उद्दिसित्ताए ।८।-८

(७४) निरुद्धपरियाए समणे निग्गंथे कप्पइ तद्विसं आयरिय उवज्जायत्ताए उद्दिसित्ताए से किमाहु भंते अत्थि णं येराणं तहारूवाणि कुलाणि कडाणि पत्तियाणि थेज्जाणि वेसासियाणि संमवाणि सम्मुइकराणि अनुमयाणि बहुमयाणि मवंति तेहिं कडेहिं तेहिं पत्तिएहिं तेहिं थेजेहिं तेहिं वेसासिएहिं तेहिं संमएहिं तेहिं सम्मुइकरेहिं जं से निरुद्धपरियाए समणे निग्गंथे कप्पइ आयरिय-उवज्जायत्ताए उद्दिसित्ताए तद्विसं ।९।-९

(७५) निरुद्धवासपरियाए समणे निग्गंथे कप्पइ आयरिय-उवज्जायत्ताए उद्दिसित्ताए समुच्छेयकप्पसि तस्स णं आयारपकप्पस्स देसे अहिज्जिए देसे नो अहिज्जिए से य अहिज्जिस्सामि ति अहिज्जइ एवं से कप्पइ आयरिय-उवज्जायत्ताए उद्दिसित्ताए से य अहिज्जिस्सामि ति नो अहिज्जइ एवं से नो कप्पइ आयरिय-उवज्जायत्ताए उद्दिसित्ताए ।१०।-१०

(७६) निग्गंथस्स णं नवडहरतरुणस्स आयरिय-उवज्जाए वीसंमेज्जा नो से कप्पइ अणायरिय उवज्जायस्स होत्ताए कप्पइ से पुव्वं आयरियं उद्दिसावेत्ता तओ पच्छा उवज्जायं से किमाहु भंते दुसंगहिए समणे निग्गंथे तं जहा-आयरिएणं उवज्जाएण य ।११।-११

(७७) निग्गंथीए णं नवडहरतरुणीए आयरिय-उवज्जाए पवत्तणी य वीसंमेज्जा नो से कप्पइ अणायरिय उवज्जाइयाए अपवत्तणीए य होत्ताए कप्पइ से पुव्वं आयरियं उद्दिसावेत्ता तओ पच्छा उवज्जायं तओ पच्छा पवत्तिणि से किमाहु भंते तिसंगहिया समणी निग्गंथी तं जहा-

धारेत्त वा तिहिं संवच्छरेहिं बीडकंतेहिं चउत्थगंसि संवच्छरंसि पड्डियंसि ठियस्स उवसंतस्स उवरयस्स पडिविरयस्स निव्विगारस्स एवं से कप्पइ आयरियत्तं वा जाव गणावच्छेइयत्तं वा उद्दिसित्तए वा धारेत्तए वा ।२२।-२२

(८८) भिक्खू य धहुस्सुए बब्भागमे बहुसो बहुआगाढागाडेसु कारणेसु माई मुसावाई असुई पावजीवी जावजीवाए तस्स तप्पत्तियं नो कप्पइ आयरियत्तं वा जाव गणावच्छेइयत्तं वा उद्दिसित्तए वा धारेत्तए वा ।२३।-२३

(८९) गणावच्छेइए बहुस्सुए बब्भागमे बहुसो बहुआगाढागाडेसु कारणेसु माई मुसावाई असुई पावजीवी जावजीवाए तस्स तप्पत्तियं नो कप्पइ आयरियत्तं वा जाव गणावच्छेइयत्तं वा उद्दिसित्तए वा धारेत्तए वा ।२४।-२४

(९०) आयरिय-उवज्जाए बहुस्सुए बब्भागमे बहुसो बहुआगाढागाडेसु कारणेसु माई मुसावाई असुई पावजीवी जावजीवाए तस्स तप्पत्तियं नो कप्पइ आयरियत्तं वा जाव गणावच्छेइयत्तं वा उद्दिसित्तए वा धारेत्तए वा ।२५।-२५

(९१) बहवे भिक्खुणो धहुस्सुया बब्भागमा बहुसो बहुआगाढागाडेसु कारणेसु माई मुसावाई असुई पावजीवी जावजीवाए तेसिं तप्पत्तियं नो कप्पइ आयरियत्तं वा जाव गणावच्छेइयत्तं वा उद्दिसित्तए वा धारेत्तए वा ।२६।-२६

(९२) बहवे गणावच्छेइया धहुस्सुया बब्भागमा बहुसो बहुआगाढागाडेसु कारणेसु माई मुसावाई असुई पावजीवी जावजीवाए तेसिं तप्पत्तियं नो कप्पइ आयरियत्तं वा जाव गणावच्छेइयत्तं वा उद्दिसित्तए वा धारेत्तए वा ।२७।-२७

(९३) बहवे आयरिय-उवज्जाया धहुस्सुया बब्भागमा बहुसो बहुआगाढागाडेसु कारणेसु माई मुसावाई असुई पावजीवी जावजीवाए तेसिं तप्पत्तियं नो कप्पइ आयरियत्तं वा जाव गणावच्छेइयत्तं वा उद्दिसित्तए वा धारेत्तए वा ।२८।-२८

(९४) बहवे भिक्खुणो बहवे गणावच्छेइया बहवे आयरिय-उवज्जाया धहुस्सुया बब्भागमा बहुसो बहुआगाढागाडेसु कारणेसु माई मुसावाई असुई पावजीवी जावजीवाए तेसिं तप्पत्तियं नो कप्पइ आयरियत्तं वा जाव गणावच्छेइयत्तं वा उद्दिसित्तए वा धारेत्तए वा ।२९।-२९

● तइओ उद्देशो सप्तो ●

चउत्थो-उद्देशो

(९५) नो कप्पइ आयरिय-उवज्जायस्स एगाणियस्स हेमंतगिन्हासु चरित्तए ।१।-१

(९६) कप्पइ आयरिय-उवज्जायस्स अप्पबिइयस्स हेमंतगिन्हासु चरित्तए ।२।-२

(९७) नो कप्पइ गणावच्छेइयस्स अप्पबिइयस्स हेमंतगिन्हासु चरित्तए ।३।-३

(९८) कप्पइ गणावच्छेइयस्स अप्पतइयस्स हेमंतगिन्हासु चरित्तए ।४।-४

(९९) नो कप्पइ आयरिय-उवज्जायस्स अप्पबिइयस्स वासावासं वत्थए ।५।-५

(१००) कप्पइ आयरिय-उवज्जायस्स अप्पतइयस्स वासावासं वत्थए ।६।-६

(१०१) नो कप्पइ गणावच्छेइयस्स अप्पतइयस्स वासावासं वत्थए ।७।-७

(१०२) कप्पइ गणावच्छेइयस्स अप्पचउत्थस्स वासावासं वत्थए ।८।-८

(१०३) से गामंसि वा नगरंसि वा निगमंसि वा रायहाणीए वा खेडंसि वा कब्बडंसि वा मडंबंसि वा पट्टणंसि वा दोणमुहंसि वा आसमंसि वा संवाहंसि वा सन्निवेसंसि वा बहूणं आयरिय-

उवज्जायाणं अप्पबियाणं बहूणं गणावच्छेइयाणं अप्पतइयाणं कप्पइ हेमंतगिम्हासु चरित्तए
अन्नमन्ननिस्साए ।१।७

(१०४) से गामंसि वा नगरंसि वा निगमंसि वा रावहाणीए वा खेडंसि वा कच्चंडंसि वा
मड्यंसि वा पट्टणांसि वा दोगमुहंसि वा आसमंसि वा संवाहंसि वा सन्निवेसंसि वा बहूणं आयरियं-
उवज्जायाणं अप्पतइयाणं बहूणं गणावच्छेइयाणं अप्पचउत्थाणं कप्पइ वासावासं वत्थए
अण्णमण्णनिस्साए ।१०।-१०

(१०५) गामाणुगामं दूइज्जमाणो भिक्खू यं पुरओ कट्टु विहरइ से य आहच्च वीसंपेज्जा
अत्थियाइं त्थ अण्णे केइ उवसंपज्जणारिहे से उवसंपज्जिवच्चे नत्थियाइं त्थ अण्णे केइ
उवसंपज्जणारिहे अप्पणो य से कप्पाए असमत्ते एवं से कप्पइ एगराइयाए पडिमाए जण्णं-जण्णं
दिसं अन्ने साहम्मिया विहरंति तण्णं-तण्णं दिसं उवलित्तए नो से कप्पइ तत्थ विहारवत्तियं वत्थए
कप्पइ से तत्थ कारणवत्तियं वत्थए तंसि च णं कारणंसि निद्धियंसि परो वएज्जा-वसाहि अज्जो
एगरायं वा दुरायं वा एवं से कप्पइ एगरायं वा दुरायं वा वत्थए नो से कप्पइ परं एगरायाओ वा दुरा-
याओवा वत्थए जंतत्थ परं एगरायाओ वा दुरायाओ वा वत्सइ से संतरा छेए वा परिहारे वा ।११।-११

(१०६) वासावासं पज्जोसविओ भिक्खू जं पुरओ कट्टु विहरइ से य आहच्च वीसंपेज्जा
अत्थियाइं त्थ अण्णे केइ उवसंपज्जणारिहे से उवसंपज्जिवच्चे नत्थियाइं त्थ अण्णे केइ उवसंपज्ज-
णारिहे अप्पणो य से कप्पाए असमत्ते एवं से कप्पइ एगराइयाए पडिमाए जण्णं-जण्णं दिसं अण्णे
साहम्मिया विहरंति तण्णं-तण्णं दिसं उवलित्तए नो से कप्पइ तत्थ विहारवत्तियं वत्थए कप्पइ से
तत्थ कारणवत्तियं वत्थए तंसि च णं कारणंसि निद्धियंसि परो वएज्जा-वसाहि अज्जो एगरायं वा
दुरायं वा एवं से कप्पइ एगरायं वा दुरायं वा वत्थए नो से कप्पइ परं एगरायाओ वा दुरायाओ वा
वत्थए जंतत्थ परं एगरायाओ वा दुरायाओ वा वत्सइ से संतरा छेए वा परिहारे वा ।१२।-१२

(१०७) आयरियं-उवज्जाए गिलायमाणे अण्णयरं वएज्जा-अज्जो ममंसि णं कालगयंसि
समाणंसि अयं समुक्कसियव्वे से य समुक्कसणारिहे समुक्कसियव्वे से य नो समुक्कसणारिहे
नो समुक्कसियव्वे अत्थियाइं त्थ अण्णे केइ समुक्कसणारिहे से समुक्कसियव्वे नत्थियाइं त्थ
अण्णे केइ समुक्कसणारिहे से येव समुक्कसियव्वे तंसि च णं समुक्किइंसि परो वएज्जा-
दुस्समुक्किइं ते अज्जो निक्खिवाहि तस्स णं निक्खिवमाणस्स नत्थि केइ छेए वा परिहारे वा जे तं
साहम्मिया अहाकपेणं नो उट्ठाए विहरंति सव्वेसिं तेसि त्पत्तियं छेए वा परिहारे वा ।१३।-१३

(१०८) आयरियं-उवज्जाए ओहायमाणे अण्णयरं वएज्जा-अज्जो ममंसि णं ओहावियंसि
समाणंसि अयं समुक्कसियव्वे से य समुक्कसणारिहे समुक्कसियव्वे से य नो समुक्कसणारिहे
नो समुक्कसियव्वे अत्थियाइं त्थ अण्णे केइ समुक्कसणारिहे से समुक्कसियव्वे नत्थियाइं त्थ
अण्णे केइ समुक्कसणारिहे से येव समुक्कसियव्वे तंसि च णं समुक्किइंसि परो वएज्जा-
दुस्समुक्किइं ते अज्जो निक्खिवाहि तस्स णं निक्खिवमाणस्स नत्थि केइ छेए वा परिहारे वा जे तं
साहम्मिया अहाकपेणं नो उट्ठाए विहरंति सव्वेसिं तेसि त्पत्तियं छेए वा परिहारे वा ।१४।-१४

(१०९) आयरियं-उवज्जाए सरमाणे परं चउरायाओ पंचरायाओ कप्पाणं भिक्खु नो
उवड्ढावेइ अत्थियाइं त्थ से केइ माणणिज्जे कप्पाए नत्थि से केइ छेए वा परिहारे वा नत्थियाइं त्थ से
केइ माणणिज्जे कप्पाए से संतरा छेए वा परिहारे वा ।१५।-१५

(११०) आयरियं-उवज्जाए असरमाणे परं चउरायाओ पंचरायाओ कप्पाणं भिक्खुं नो

उवद्वावेइ अत्थियाइं त्य से केइ माणणिजे कप्पाए नत्थि से केइ छेए वा परिहारे वा नत्थियाइं त्य से केइ माणणिजे कप्पाए से संतरा छेए वा परिहारे वा 19६1-16

(१११) आयरिय-उवज्जाए सरमाणे वा असरमाणे था परं दसरायकप्पाओ कप्पागं भिक्खुं नो उवद्वावेइ अत्थियाइं त्य से केइ माणणिजे कप्पाइ नत्थि से केइ छेए वा परिहारे वा नत्थि-याइं त्य से केइ माणणिजे कप्पाए संवच्छरं तस्स तप्पत्तियं नो कप्पइ आयरियत्तं उद्दिस्सिए 19७1-17

(११२) भिक्खू य गणाओ अवक्कम्म अक्खं गणं उवसंपज्जित्ताणं विहरेज्जा तं च केइ साहम्मिए पासित्ता वएज्जा-कं अज्जो उवसंपज्जित्ताणं विहरसि जे तत्थ सव्वराइणिए तं वएज्जा राइणिए तं वएज्जा-अह भंते कस्स कप्पाए जे तत्थ सव्वबहुमुए तं वएज्जा जं वा से भगवं वक्खइ तस्स आणा-उववाय-ववणनिद्देसे विद्धिस्सामि 19८1-18

(११३) बहवे साहम्मिया इच्छेज्जा एगयओ अभिनिचारियं चारए नो प्हं कप्पइ थेरे अणापुच्छित्ता एगयओ अभिनिचारियं चारए कप्पइ प्हं थेरे आपुच्छित्ता एगवओ अभिनिचारियं चारए थेरा य से वियरेज्जा एव प्हं कप्पइ एगयओ अभिनिचारियं चारए थेरा य से नो वियरेज्जा एव प्हं नो कप्पइ एगयओ अभिनिचारियं चारए जं तत्थ थेरेहिं अविइण्णे अभिनिचारियं चरंति से संतरा छेए वा परिहारे वा 19९1-19

(११४) चरियापविट्ठे भिक्खू जाव चउरायाओ पंचरायाओ थेरे पासेज्जा सच्चेव आलोयणा सच्चेव पडिक्कमणा सच्चेव ओग्गहस्स पुव्वाणुणवणा चिट्ठइ अहालंदमवि ओग्गहे 1२०1-20

(११५) चरियापविट्ठे भिक्खू परं चउरायाओ पंचरायाओ थेरे पासेज्जा पुणो आलोएज्जा पुणो पडिक्कमेज्जा पुणो छेय-परिहारस्स उवद्वाएज्जा भिक्खुभावस्स उद्वाए दोच्चं पि ओग्गहे अनुणवेयव्वे सिया-अनुजाणह भंते मिओग्गहं अहालंदं धुवं नितियं वेउट्ठियं तओ पच्छा कायसंफासं 1२१1-21

(११६) चरियानियट्ठे भिक्खू जाव चउरायाओ पंचरायाओ थेरे पासेज्जा सच्चेव आलोयणा सच्चेव पडिक्कमणा सच्चेव ओग्गहस्स पुव्वाणुणवणा चिट्ठइ अहालंदमवि ओग्गहे 1२२1-22

(११७) चरियानियट्ठे भिक्खू परं चउरायाओ पंचरायाओ थेरे पासेज्जा पुणो आलोएज्जा पुणो पडिक्कमेज्जा पुणो छेय-परिहारस्स उवद्वाएज्जा भिक्खुभावस्स अद्वाए दोच्चं पि ओग्गहे अणुणवेयव्वे सिया-अनुजाणह भंते मिओग्गहं अहालंदं धुवं नितियं वेउट्ठियं तओ पच्छा कायसंफासं 1२३1-23

(११८) दो साहम्मिया एगयओ विहरंति तं जहा-सेहे य राइणिए य तत्थ सेहतराए पलिच्छत्रे राइणिए अपलिच्छत्रे सेहतराएणं राइणिए उवसंपज्जिव्वे भिक्खोववायं च दलयइ कप्पागं 1२४1-24

(११९) दो साहम्मिया एगयओ विहरंति तं जहा-सेहे य राइणिए य तत्थ राइणिए पलिच्छत्रे सेहतराए अपलिच्छत्रे इच्छा राइणिए सेहतरागं उवसंपज्जइ इच्छा नो उवसंपज्जइ इच्छा भिक्खोववायं दलयइ कप्पागं इच्छा नो दलयइ कप्पागं 1२५1-25

(१२०) दो भिक्खुणो एगयओ विहरंति नो प्हं कप्पइ अन्नमन्नमनुवसंपज्जित्ताणं विहरित्ते कप्पइ प्हं अहाराइणियाए अण्णमण्णं उवसंपज्जित्ताणं विहरित्ते 1२६1-26

(१२१) दो गणावच्छेइया एगयओ विहरंति नो प्हं कप्पइ अण्णमण्णमणुवसंपज्जित्ताणं विहरित्ते कप्पइ प्हं अहाराइणियाए अन्नमन्नं उवसंपज्जित्ताणं विहरित्ते 1२७1-27

(१२२) दो आयरिय-उवज्झाया एगयओ विहरंति नो ण्हं कप्पइ अण्णमण्णमणुवसंपज्जिताणं विहरित्तए कप्पइ ण्हं अहाराइणियाए अन्नमन्नं उवसंपज्जिताणं विहरित्तए ।२८।-२८

(१२३) बहवे भिक्खुणो एगयओ विहरंति नो ण्हं कप्पइ अण्णमण्णमणुवसंपज्जिताणं विहरित्तए कप्पइ ण्हं अहाराइणियाए अन्नमन्नं उवसंपज्जिताणं विहरित्तए ।२९।-२९

(१२४) बहवे गणावच्छेइया एगयओ विहरंति नो ण्हं कप्पइ अण्णमण्णमणुवसंपज्जिताणं विहरित्तए कप्पइ ण्हं अहाराइणियाए अण्णमण्णं उवसंपज्जिताणं विहरित्तए ।३०।-३०

(१२५) बहवे आयरिय-उवज्झाया एगयओ विहरंति नो ण्हं कप्पइ अण्णमण्णमणुवसंपज्जिताणं विहरित्तए कप्पइ ण्हं अहाराइणियाए अण्णमण्णं उवसंपज्जिताणं विहरित्तए ।३१।-३१

(१२६) यहवे भिक्खुणो बहवे गणावच्छेइया बहवे आयरिय-उवज्झाया एगयओ विहरंति नो ण्हं कप्पइ अण्णमण्णमणुवसंपज्जिताणं विहरित्तए कप्पइ ण्हं अहाराइणियाए अण्णमण्णं उवसंपज्जिताणं विहरित्तए ।३२।-३२

● चउत्यो उहेसो सप्तो ●

पंचमो-उहेसो

(१२७) नो कप्पइ पवत्तिणीए अप्पविइयाए हेमंतगिम्हासु चारए ।१।-१

(१२८) कप्पइ पवत्तिणीए अप्पतइयाए हेमंतगिम्हासु चारए ।२।-२

(१२९) नो कप्पइ गणावच्छेइणीए अप्पतइयाए हेमंतगिम्हासु चारए ।३।-३

(१३०) कप्पइ गणावच्छेइणीए अप्पचउत्याए हेमंतगिम्हासु चारए ।४।-४

(१३१) नो कप्पइ पवत्तिणीए अप्पतइयाए वासावासं वत्थए ।५।-५

(१३२) कप्पइ पवत्तिणीए अप्पचउत्याए वासावासं वत्थए ।६।-६

(१३३) नो कप्पइ गणावच्छेइणीए अप्पचउत्याए वासावासं वत्थए ।७।-७

(१३४) कप्पइ गणावच्छेइणीए अप्पपंचमाए वासावासं वत्थए ।८।-८

(१३५) से गामंसि वा जाव सत्त्रिवेसंसि वा बहूणं पवत्तिणीणं अप्पतइयाणं बहूणं गणावच्छेइणीणं अप्पचउत्याणं कप्पइ हेमंतगिम्हासु चारए अण्णमण्णनीसाए ।९।-९

(१३६) से गामंसि वा जाव सत्त्रिवेसंसि वा बहूणं पवत्तिणीणं अप्पचउत्याणं बहूणं गणावच्छेइणीणं अप्पपंचमाणं कप्पइ वासावासं वत्थए अण्णमण्णनीसाए ।१०।-१०

(१३७) गामाणुगामं दूइअमाणी निगंथी य जं पुरओ काउं विहरइ सा आहच्च वीसंमेज्जा अत्थियाइं त्य काइ अण्णा उवसंपज्जणारिहा सा उवसंपज्जियव्वा नत्थियाइं त्य काइ अण्णा उवसंपज्जणारिहा तीसे य अप्पणो कप्पाए असमत्ते कप्पइ से एगराइयाए पडिमाए जण्णं-जण्णं दिसं अण्णाओ साहम्मिणीओ विहरंति तण्णं-तण्णं दिसं उवलित्तए नो से कप्पइ तत्थ विहारवत्तियं वत्थए कप्पइ से तत्थ कारणवत्तियं वत्थए तंसि च णं कारणंसि निद्रियंसि परा दएज्जा-वसहि अजे एगरायं वा दुरायं वा एवं से कप्पइ एगरायं वा दुरायं वा वत्थए नो से कप्पइ परं एगरायाओ वा दुरायाओ वा वत्थए जं तत्थ परं एगरायाओ वा दुरायाओ वा वसइ से संतरा छेए वा परिहारे वा ।११।-११

(१३८) वासावासं पज्जोसविया निगंथी य जं पुरओ काउं विहरइ सा आहच्च वीसंमेज्जा अत्थियाइं त्य काइ अण्णा उवसंपज्जणारिहा सा उवसंपज्जियव्वा नत्थियाइं त्य काइ अण्णा उवसंपज्जणारिहा तीसे य अप्पणो कप्पाए असमत्ते कप्पइ से एगराइयाए पडिमाए जण्णं-जण्णं दिसं अण्णाओ साहम्मिणीओ विहरंति तण्णं-तण्णं दिसं उवलित्तए नो से कप्पइ तत्थ विहारवत्तियं

वत्यए कप्पइ से तत्थ कारणवतियं वत्यए तंसि च णं कारणंसि निट्ठियंसि परा वएज्जा-वसाहि अज्जे एगरायं वा दुरायं वा एवं से कप्पइ एगरायं वा दुरायं वा वत्यए नो से कप्पइ परं एगरायाओ वा दुरा-याओ वा वत्यए जंतत्थ परं एगरायाओ वा दुरायाओ वा वसइ से संतरा छेए वा परिहारे वा। १२-१२

(१३९) पवत्तिणी य गिलायमाणी अण्णयरं वएज्जा-मए णं अज्जे कालगयाए समाणीए इयं समुक्कसियव्वा सा य समुक्कसणारिहा समुक्कसियव्वा सा य नो समुक्कसणारिहा नो समुक्कसियव्वा अत्थियाइं त्य अण्णा काइ समुक्कसणारिहा सा समुक्कसियव्वा नत्थियाइं त्य अण्णा काइ समुक्कसणारिहा सा चैव समुक्कसियव्वा ताए व णं समुक्कइए परा वएज्जा-दुस्समुक्कइं ते अज्जे निक्खिवाहि तीसे णं निक्खिवमाणीए नत्थि केइ छेए वा परिहारे वा जाओ तं साहम्पीणीओ अहाकप्पे णं नो उट्ठाए विहरंति सव्वासिं तासिं तप्पत्तियं छेए वा परिहारे वा। १३-१३

(१४०) पवत्तिणीय ओहायमाणी अण्णयरं वएज्जा-मए णं अज्जे ओहावियाए समाणीए इयं समुक्कसियव्वा सा य समुक्कसणारिहा समुक्कसियव्वा सा य नो समुक्कसणारिहा नो समुक्कसियव्वा अत्थियाइं त्य अन्ना काइ समुक्कसणारिहा सा समुक्कसियव्वा नत्थियाइं त्य अण्णा काइ समुक्कसणारिहा सा चैव समुक्कसियव्वा ताए व णं समुक्कइए परा वएज्जा-दुस्समुक्कइं ते अज्जे निक्खिवाहि तीसे णं निक्खिवमाणीए नत्थि केइ छेए वा परिहारे वा जाओ तं साहम्पीणीओ अहाकप्पे णं नो उट्ठाए विहरंति सव्वासिं तासिं तप्पत्तियं छेए वा परिहारे वा। १४-१४

(१४१) निग्गंयस्स नवडहरतरुणस्स आचारपकप्पे नामं अज्झयणे परिब्भट्ठे सिया से य पुच्छियव्वे-केण ते अज्जे कारणेणं आचारपकप्पे नामं अज्झयणे परिब्भट्ठे किं आवाहेणं उदाहुं पमाएणं से य वएज्जा-नो आवाहेणं पमाएणं जावज्जीवं तस्स तप्पत्तियं नो कप्पइ आयरियत्तं वा जाव गणावच्छेइयत्तं वा उद्दिसित्ताए वा धारेत्ताए वा से य वएज्जा-आवाहेणं नो पमाएणं से य संठवेस्सामी ति संठवेज्जा एवं से कप्पइ आयरियत्तं वा जाव गणावच्छेइयत्तं वा उद्दिसित्ताए वा धारेत्ताए वा से य संठवेस्सामी ति नो संठवेज्जा एवं से नो कप्पइ आयरियत्तं वा जाव गणावच्छेइयत्तं वा उद्दिसित्ताए वा धारेत्ताए वा। १५-१५

(१४२) निग्गंयीए नवडहरतरुणियाए आचारकप्पे नामं अज्झयणे परिब्भट्ठे सिया सा य पुच्छियव्वा-केण ते अज्जे कारणेणं आचारकप्पे नामं अज्झयणे परिब्भट्ठे किं आवाहेणं उदाहुं पमाएणं सा य वएज्जा-नो आवाहेणं पमाएणं जावज्जीवं तीसे तप्पत्तियं नो कप्पइ पवत्तिणित्तं वा गणावच्छेइणित्तं या उद्दिसित्ताए वा धारेत्ताए वा सा य वएज्जा-आवाहेणं नो पमाएणं सा य संठवेस्सामी ति संठवेज्जा एवं से कप्पइ पवत्तिणित्तं वा गणावच्छेइणित्तं वा उद्दिसित्ताए वा धारेत्ताए वा सा य संठवेस्सामी ति नो संठवेज्जा एवं से नो कप्पइ पवत्तिणित्तं वा गणावच्छेइणित्तं वा उद्दिसित्ताए वा धारेत्ताए वा। १६-१६

(१४३) थेराणं थेरभूमिपत्ताणं आचारकप्पे नामं अज्झयणे परिब्भट्ठे सिया कप्पइ तेसिं संठवेमाण्ण वा असंठवेमाण्ण वा आयरियत्तं वा जाव गणावच्छेइयत्तं वा उद्दिसित्ताए वा धारेत्ताए वा। १७-१७

(१४४) थेराणं थेरभूमिपत्ताणं आचारकप्पे नामं अज्झयणे परिब्भट्ठे सिया कप्पइ तेसिं सत्त्रिसण्णाण वा संतुयट्ठाण वा उत्ताणयाण वा पासिल्लयाण वा आचारपक्कप्पं नामं अज्झयणं दोद्धं पि तच्चं पि पडिच्छित्ताए वा पडिसारेत्ताए वा। १८-१८

(१४५) जे निग्गंथा य निग्गंथीओ य संभोइया सिया नो ण्हं कप्पइ अण्णमण्णस्स अंतिए

आलोएत्तए अत्थियाइं त्य केइ आलोयणारिहे कप्पइ ण्हं तस्स अंतिए आलोएत्तए नत्थियाइं त्य केइ आलोयणारिहे एव ण्हं कप्पइ अण्णमण्णस्स अंतिए आलोएत्तए ।१९१-1७

(१४६) जे निग्गंथा य निग्गंथीओ य संभोइया सिया नो ण्हं कप्पइ अण्णमण्णस्स वेयावच्चं कारवेत्तए अत्थियाइं त्य केइ वेयावच्चकरे कप्पइं ण्हं वेयावच्चं कारवेत्तए नत्थियाइं त्य केइ वेयावच्चकरे एव ण्हं कप्पइ अण्णमण्णस्स वेयावच्चं कारवेत्तए ।२०१-२०

(१४७) निग्गंथं च णं राओ वा वियाले वा दीहपट्ठो लूसेज्जा इत्थी वा पुरिसं ओमज्जेज्जा पुरिसो वा इत्थिं ओमेज्जेज्जा एवं से कप्पइ एवं से चिट्ठइ परिहारं च नो पाउणइ-एस्स कप्पे थेरक-प्पियाणं एवं से नो कप्पइ एवं से नो चिट्ठइ परिहारं च पाउणाइ-एस्स कप्पे जिनकप्पियाणं ।२११-२१

● पंचमो उद्देशो सप्तो ●

उट्ठो-उद्देशो

(१४८) भिक्खू य इच्छेज्जा नायविहिं एत्तए नो से कप्पइ थेरे अणापुच्छिता नायविहिं एत्तए कप्पइ से थेरे आपुच्छिता नायविहिं एत्तए थेरा च से वियरेज्जा एवं से नो वियरेज्जा एवं से नो कप्पइ नायविहिं एत्तए जं तत्थ थेरेहिं अविदण्णे नायविहिं एइ से संतरा छेए वा परिहारे वा नो से कप्पइ अप्पुसुचस्स अप्पागमस्स एगाणिवस्स नायविहिं एत्तए कप्पइ से जे तत्थ बहुत्तुए बढ्भागमे तेण सद्धिं नायविहिं एत्तए तत्थ से पुब्बागमणेणं पुब्बाउत्ते चाउलोदणे पच्छाउत्ते भिलिंगसूवे कप्पइ से चाउलोदणे पडिग्गाहेत्तए नो से कप्पइ भिलिंगसूवे पडिग्गाहेत्तए । तत्थ से पुब्बागमणेणं पुब्बाउत्ते भिलिंगसूवे पच्छाउत्ते चाउलोदणे कप्पइ से भिलिंगसूवे पडिग्गाहेत्तए नो से कप्पइ चाउलोदणे पडिग्गाहेत्तए तत्थ से पुब्बागमणेणं दो वि पुब्बावउत्ते कप्पइ से दो वि पडिग्गाहेत्तए तत्थ से पुब्बागमणेणं दो वि पच्छाउत्ते नो से कप्पइ दो वि पडिग्गाहेत्तए ।११-१

(१४९) आयरिय-उवज्झावस्स गणंसि पंच अइसेसा पन्नत्ता तं जहा-आयरिय-उवज्झाए अंतो उवस्सयस्स पाए निगिञ्झिय-निगिञ्झिय पप्फोडेमाणे वा पमज्जेमाणे वा नातिक्कमति आयरिय-उवज्झाए अंतो उवस्सयस्स उच्चार-पासवणं विगिंचमाणे वा विसोहेमाणे वा नातिक्कमति आयरिय-उवज्झाए पमू वेयावडियं इच्छए करेज्जा इच्छए नो करेज्जा आयरिय-उवज्झाए अंतो उवस्सयस्स एगरायं वा दुरायं वा वसमाणे नातिक्कमति आयरिय-उवज्झाए बाहिं उवस्सयस्स एगाणि एगरायं वा दुरायं वा वसमाणे नातिक्कमति ।२१-२

(१५०) गणावच्छेइयस्स गणंसि दो अइसेसा पन्नत्ता तं जहा-गणावच्छेइए अंतो उवस्सयस्स एगाणि एगरायं वा दुरायं वा वसमाणे नातिक्कमति गणावच्छेइए बाहिं उवस्सयस्स एगाणि एगरायं वा दुरायं वा वसमाणे नातिक्कमति ।३-३

(१५१) से गामंसि वा जाव सन्निवेसंसि वा एगवगडाए एगदुवाराए एगनिक्खमणपवेसाए नो कप्पइ बहूणं अगडसुयाणं एगवओ वत्थए अत्थियाइं त्य केइ आयारपकप्पधरे नत्थियाइं त्य केइ छेए वा परिहारे वा नत्थियाइं त्य केइ आयार पकप्पधरे से संतरा छेए वा परिहारे वा ।४१-४

(१५२) से गामंसि वा जाव सन्निवेसंसि वा अभिनिव्वगडाए अभिनिदुवाराए अभिनिक्खमण-पवेसाए नो कप्पइ बहूणं वि अगडसुयाणं एगवओ वत्थए अत्थियाइं त्य केइ आयारपकप्पधरे जे तत्तियं रवणिं संबत्तइ नत्थियाइं त्य केइ छेए वा परिहारे वा नत्थियाइं त्य केइ आयारपकप्पधरे जे तत्तियं रवणिं संबत्तइ सब्बेसिं तेसिं तप्पत्तियं छेए वा परिहारे वा ।५१-५

(१५३) से गामंसि वा जाव सन्निवेसंसि वा अभिनिव्वगडाए अभिनिदुवाराए अभिनिक्ख-
मण-पवेसाए नो कप्पइ बहुसुयस्स बब्भागमस्स एगाणियस्स भिक्खुस्स वत्थए किमंय पुणं
अप्पसुयस्स अप्पागमस्स भिक्खुस्स ।६।-६

(१५४) से गामंसि वा जाव सन्निवेसंसि वा एगवगडाए एगदुवाराए एगनिक्खमाण-
पवेसाए कप्पइ बहुसुयस्स बब्भागमस्स एगाणियस्स भिक्खुस्स वत्थए उभओ कालं भिक्खुभावं
पडिजागरमाणस्स ।७।-७

(१५५) जत्थ एए वहवे इत्थीओ य पुरिसा य पण्हावेत्ति तत्थ से समणे निग्गंथे अण्णयरंसि
अचित्तंसि सोयंसि सुक्कपोग्गले निग्घाएमाणे हत्थकम्मपडिसेवणपत्ते आवज्जइ मासिचं
परिहारद्धानं अनुग्घाइयं जत्थ एए वहवे इत्थीओ य पुरिसा य पण्हावेत्ति तत्थ से समणे निग्गंथे
अण्णयरंसि अचित्तंसि सोयंसि सुक्कपोग्गले निग्घाएमाणे मेहुणपडिसेवणपत्ते आवज्जइ
चाउप्पासियं परिहारद्धानं अनुग्घाइयं ।८।-८

(१५६) नो कप्पइ निग्गंथाण वा निग्गंथीण वा निग्गंथिं अण्णगणाओ आगयं खुयायारं
सबलायारं भिन्नायारं संकिलिद्दायारं चरित्तं तस्स ठाणस्स अणालोयावेत्ता अपडिक्कमावेत्ता
अनिन्दावेत्ता अणरहावेत्ता अविउद्दावेत्ता अविसोहावेत्ता अकरणाए अण्णुद्दावेत्ता अहारिहं
पायच्छित्तं तवोकम्मं अपडिवज्जावेत्ता उवद्दावेत्ता वा संभुजित्तए वा तीसे इत्तरियं दिसं वा
अनुदिसं वा उद्दिसित्तए वा धारेत्तए वा ।९।-१०

(१५७) कप्पइ निग्गंथाण वा अन्नगणाओ आगयं जाव ठाणस्स आलोयावेत्ता
पडिक्कमावेत्ता निन्दावेत्ता गरहावेत्ता विउद्दावेत्ता विसोहावेत्ता अकरणाए अण्णुद्दावेत्ता अहारिहं
पायच्छित्तं तवोकम्मं पडिवज्जावेत्ता उवद्दावेत्ता वा धारेत्तए वा ।१०।-११

(१५८) नो कप्पइ निग्गंथाण वा निग्गंथीण वा निग्गंथिं खुयायारं जाव अपडिक्कमावेत्ता
अहारिहं पायच्छित्तं अपडि- वज्जावेत्ता उवद्दावेत्ता वा संभुजित्तए वा संवसित्तए वा तीसे इत्तरियं
दिसं वा अनुदिसं वा उद्दिसित्तए वा धारेत्तए वा ।११।-१०-२

(१५९) कप्पइ निग्गंथाण वा निग्गंथीण वा निग्गंथिं खुयायारं जाव तस्स ठाणस्स
आलोयावेत्ता पडिक्कमावेत्ता अहारिहं पायच्छित्तं पडिवज्जावेत्ता उवद्दावेत्ता वा संभुजित्तए वा
संवसित्तए वा तीसे इत्तरियं दिसं वा अनुदिसं वा उद्दिसित्तए वा धारेत्तए वा ।१२।-११-२

● छद्दो उद्देशो सम्पत्तो ●

सत्तमो उद्देशो

(१६०) जे निग्गंथा य निग्गंथीओ य संभोइया सिया नो कप्पइ निग्गंथीणं निग्गंथे
अणापुच्छिता निग्गंथिं अण्णगणाओ आगयं खुयायारं सबलायारं भिन्नायारं संकिलिद्दायारं तस्स
ठाणस्स अणालोयावेत्ता अपडिक्कमावेत्ता अहारिहं पायच्छित्तं अपडिवज्जावेत्ता पुच्छित्तए वा
वाएत्तए वा उवद्दावेत्ता वा संभुजित्तए वा संवसित्तए वा तीसे इत्तरियं दिसं वा अनुदिसं वा
उद्दिसित्तए वा धारेत्तए वा ।१।-१

(१६१) जे निग्गंथा य निग्गंथीओ य संभोइया सिया कप्पइ निग्गंथीणं निग्गंथे आपुच्छिता
निग्गंथिं अण्णगणाओ आगयं खुयायारं जाव संभुजित्तए वा संवसित्तए वा तीसे इत्तरियं दिसं वा
अनुदिसं वा उद्दिसित्तए वा धारेत्तए वा ।२।-२

(१६२) जे निग्गंथा य निग्गंथीओ य संभोइया सिया कप्पइ निग्गंथाणं निग्गंथीओ आपुच्छिता वा अणापुच्छिता था निग्गंथिं अण्णगणाओ आगयं खुयायारं सबलायारं भिज्जायारं संकिलिद्धायारं तस्स ठाणस्स आलोयावेत्ता पडिक्कमावेत्ता अहारिहं पायच्छित्तं पडिवज्जावेत्ता पुच्छित्तए वा वाएत्तए वा उवद्धावेत्तए वा संभुजित्तए वा संवसित्तए वा तीसे इत्तरियं दिसं वा अनुदिसं वा उद्दिसित्तए वा धारेत्तए वा [तं च निग्गंथीओ नो इच्छेज्जा सेहिमेव नियं ठाणं]।३।-2R

(१६३) जि निग्गंथा य निग्गंथीओ य संभोइया सिया] नो ण्हं कप्पइ पारोक्खं पाडिएक्कं संभोइयं विसंभोइयं करेत्तए कप्पइ ण्हं पच्चक्खं पाडिएक्कं संभोइयं विसंभोइयं करेत्तए जत्थेव अण्णमण्णं पासेज्जा तत्थेव एवं वएज्जा-अह णं अज्जो तुमाए सद्धिं इमम्मि कारणम्मि पच्चक्खं संभोगं विसंभोगं करेमि से य पडित्तपेज्जा एवं से नो कप्पइ पच्चक्खं पाडिएक्कं संभोइयं विसंभोइयं करेत्तए से य नो पडित्तपेज्जा एवं से कप्पइ पच्चक्खं पाडिएक्कं संभोइयं विसंभोइयं करेत्तए।४।-2R

(१६४) जाओ निग्गंथीओ वा निग्गंथा वा संभोइया सिया नो ण्हं कप्पइ पच्चक्खं पाडिएक्कं संभोइयिं विसंभोइयिं करेत्तए कप्पइ ण्हं पारोक्खं पाडिएक्कं संभोइयिं विसंभोइयिं करेत्तए जत्थेव ताओ अप्पणो आयरिय-उवज्जाए पासेज्जा तत्थेव एवं वएज्जा-अह णं भंते अमुगीए अज्जाए सद्धिं इमम्मि कारणम्मि पारोक्खं पाडिएक्कं संभोगं विसंभोगं करेमि सा य से पडित्तपेज्जा एवं से नो कप्पइ पारोक्खं पाडिएक्कं संभोइयिं विसंभोइयिं करेत्तए सा य से नो पडित्तपेज्जा एवं से कप्पइ पारोक्खं पाडिएक्कं संभोइयिं विसंभोइयिं करेत्तए।५।-3

(१६५) नो कप्पइ निग्गंथाणं निग्गंथिं अप्पणो अट्ठाए पव्वावेत्तए वा मुंडावेत्तए वा सेहावेत्तए वा उवद्धावेत्तए वा संवसित्तए वा संभुजित्तए वा तीसे इत्तरियं दिसं वा अनुदिसं वा उद्दिसित्तए वा धारेत्तए वा।६।-4

(१६६) कप्पइ निग्गंथाणं निग्गंथिं अप्पणो अट्ठाए पव्वावेत्तए वा मुंडावेत्तए वा सेहावेत्तए उवद्धावेत्तए वा संवसित्तए वा संभुजित्तए वा तीसे इत्तरियं दिसं वा अनुदिसं वा उद्दिसित्तए वा धारेत्तए वा।७।-5

(१६७) नो कप्पइ निग्गंथीणं निग्गंथं अप्पणो अट्ठाए पव्वावेत्तए वा मुंडावेत्तए वा सेहावेत्तए वा उवद्धावेत्तए वा संवसित्तए वा संभुजित्तए वा तीसे इत्तरियं दिसं वा अनुदिसं वा उद्दिसित्तए वा धारेत्तए वा।८।-6

(१६८) कप्पइ निग्गंथीणं निग्गंथं अप्पणो अट्ठाए पव्वावेत्तए वा मुंडावेत्तए वा सेहावेत्तए वा उवद्धावेत्तए वा संवसित्तए वा संभुजित्तए वा तीसे इत्तरियं दिसं वा अनुदिसं वा उद्दिसित्तए वा धारेत्तए वा।९।-6R

(१६९) नो कप्पइ निग्गंथीणं विइगिट्ठं दिसं वा अनुदिसं वा उद्दिसित्तए वा धारेत्तए वा धारेत्तए वा।१०।-8

(१७०) कप्पइ निग्गंथाणं विइगिट्ठं दिसं वा अनुदिसं वा उद्दिसित्तए वा धारेत्तए वा।११।७

(१७१) नो कप्पइ निग्गंथाणं विइगिट्ठाइं पाहुडाइं विओसवेत्तए।१२।-10

(१७२) कप्पइ निग्गंथीणं विइगिट्ठाइं पाहुडाइं विओसवेत्तए।१३।-11

(१७३) नो कप्पइ निग्गंथाणं वा निग्गंथीणं वा विइगिट्ठे काले सज्जायं उद्दिसित्तए करेत्तए।१४।-12

(१७४) कप्पइ निग्गंथीणं विइगिट्ठे काले सज्जायं करेत्तए निग्गंथित्साए।१५।-13

(१७५) नो कप्पइ निग्गंथाण वा निग्गंथीण वा असज्जाइए सज्जायं करेत्ताए ।१६।१४

(१७६) कप्पइ निग्गंथाणं वा निग्गंथीण वा सज्जाइए सज्जायं करेत्ताए ।१७।-१४R

(१७७) नो कप्पइ निग्गंथाण वा निग्गंथीण वा अप्पणो असज्जाइए सज्जायं करेत्ताए कप्पइ

ण्हं अण्णमण्णस्स वायणं दत्तइत्ताए ।१८।-१४R

(१७८) तिवासपरियायस्स समणस्स निग्गंथस्स तीसवासपरियायाए समणीए निग्गंथीए कप्पइ उवज्जायत्ताए उद्दिस्सित्ताए ।१९।-१५

(१७९) पंचवासपरियायस्स समणस्स निग्गंथस्स सट्ठिवासपरियायाए समणीए निग्गंथीए कप्पइ आयरियत्ताए उद्दिस्सित्ताए ।२०।-१६

(१८०) गामाणुगामं दूइज्जमाणे भिक्खू य आहच्च वीसंभेज्जा तं च सरीरं केइ साहम्मिया पासेज्जा कप्पइ से तं सरीरं मा सागारियमिति कट्टु थंडिले बहुफालुए पडिलेहिता पमज्जिता परिद्वेत्ताए अत्थियाइं त्य केइ साहम्मियसंतिए उवगरणजाए परिहरणारिहे कप्पइ से सागारकडं गहाय दोद्यं पि ओग्गहं अनुण्णवेत्ता परिहारं परिहरेत्ताए ।२१।-१७

(१८१) सागारिए उवस्सयं वक्कएणं पजंजेज्जा से य वक्कइयं वएज्जा-इमम्मि य इमम्मि य ओवासे समणा निग्गंथा परिवसंति से सागारिए पारिहारिए से य नो वएज्जा वक्कइए वएज्जा-इमम्मि य इमम्मि य ओवासे समणा निग्गंथा परिवसंतु से सागारिए पारिहारिए दो वि ते वएज्जा दो वि सागारिया पारिहारिया ।२२।-१८

(१८२) सागारिए उवस्सयं विक्किणोज्जा से य कइयं वएज्जा-इमम्मि य इमम्मि य ओवासे समणा निग्गंथा परिवसंति से सागारिए पारिहारिए से य नो वएज्जा कइए वएज्जा-इमम्मि य इमम्मि य ओवासे समणा निग्गंथा परिवसंतु से सागारिए पारिहारिए दो वि ते वएज्जा दो वि सागारिया पारिहारिया ।२३।-१९

(१८३) विहवधूया नातिकुलवासिणीं सावि ताव ओग्गहं अनुण्णवेयब्बा किमंग पुण पिया वा भाया वा पुत्ते वा पहेवि ओग्गहे ओगेण्हियब्बे ।२४।-२०

(१८४) पहिए वि ओग्गहं अनुण्णवेयब्बे ।२५।-२१

(१८५) से रायपरियट्टेसु संथडेसु अट्ठोण्डेसु अट्ठोच्छिन्नेसु अपरपरिग्गहिएसु सट्ठेव ओग्गहस्स पुच्चाणुणवणा चिड्डइ अहालंदमवि ओग्गहे ।२६।-२२

(१८६) से रज्जपरिवट्टेसु असंथडेसु वोगडेसु दोच्छिन्नेसु परपरिग्गहिएसु भिक्खुभावस्स अट्टाए दोद्यं पि ओग्गहे अनुण्णवेयब्बे ।२७।-२३ ति बेमि

● सत्तमो उद्देशो सप्तो ●

अट्टमो उद्देशो

(१८७) गाहा उदू पज्जोसविए ताए गाहाए ताए पएसाए ताए उवासंतराए जमिणं-जमिणं सेज्जासंधारणं लभेज्जा तमिणं-तमिणं-ममेव सिया धेरा य से अनुजाणेज्जा तस्सेव सिया धेरा य से नो अनुजाणेज्जा एयं से कप्पइ अहाराइणियाए सेज्जासंधारणं पडिग्गाहेत्ताए ।१९।-१

(१८८) से अहालहुसगं सेज्जासंधारणं गवेसेज्जा जं चक्किक्कया एणेणं हत्थेणं ओगिज्ज जाव एगाहं वा दुयाहं वा तियाहं वा अट्टाण परिवहित्तए एस मे हेमंतगिह्हासु भविस्सइ ।२।-२

(१८९) से य अहालहुसगं सेज्जासंधारणं गवेसेज्जा जं चक्किक्कया एणेणं हत्थेणं ओगिज्ज जाव एगाहं वा दुयाहं वा तियाहं वा अट्टाण परिवहित्तए एस मे यासावासासु भविस्सइ ।३।-३

(१९०) से अहालहुसगं सेज्रासंधारगं गवेसेज्रा जं चक्किकया एगेणं हत्थेणं ओगिज्ज जाव एगाहं वा दुवाहं वा तियाहं चउयाहं वा पंचाहं वा अद्धाणं परिवहित्तए एस मे वुड्ढवासासु भविस्सइ । ४।-४

(१९१) थेराणं थेरभूमिपत्ताणं कप्पइ दंडए वा थंडए वा छत्ताए वा मत्ताए वा लद्धिया वा चेले वा चेलचिलिमिलिया वा चम्मे वा चम्पकोसए वा चम्पपल्लिच्छेयणए वा अविरहिए ओवासे ठवेत्ता गाहावड्कुलं पिंडवायपडियाए पविसित्तए वा निक्खमित्तए वा कप्पइ ण्हं सनियट्टचारीणं दोच्चं पि ओग्गहं अनुण्णवेत्ता परिहरित्तए । ५।-५

(१९२) नो कप्पइ निग्गंधाण वा निग्गंधीण वा पाडिहारियं वा सागारिय संतियं वा सेज्रासंधारगं दोच्चं पि ओग्गहं अणणुण्णवेत्ता बहिया नीहरित्तए । ६।-६

(१९३) कप्पइ अनुण्णवेत्ता । ७।-७

[नो कप्पइ निग्गंधाण वा निग्गंधीण वा पाडिहारियं वा सेज्रासंधारगं सब्वप्पणा अप्पिणित्ता दोच्चं पि ओग्गहं अणणुण्णवेत्ता अहिद्धित्तए कप्पइ अनुण्णवेत्ता]

(१९४) नो कप्पइ निग्गंधाण वा निग्गंधीण वा सागारियसंतियं वा सेज्रासंधारगं दोच्चं पि ओग्गहं अणुण्णवेत्ता बहिया नीहरित्तए कप्पइ अनुण्णवेत्ता । ८।-८

(१९५) नो कप्पइ निग्गंधाण वा निग्गंधीण वा सागारियसंतियं वा सेज्रासंधारगं सब्वप्पणा अप्पिणित्ता दोच्चं पि ओग्गहं अणणुण्णवेत्ता अहिद्धित्तए कप्पइ अनुण्णवेत्ता । ९।-९

(१९६) नो कप्पइ निग्गंधाण वा निग्गंधीण वा पुव्वामेव ओग्गहं ओगिण्हित्ता तओ पच्छा अनुण्णवेत्ताए । १०।-१०

(१९७) कप्पइ निग्गंधाण वा निग्गंधीण वा पुव्वामेव ओग्गहं अनुण्णवेत्ता तओ पच्छा ओगिण्हित्तए अह पुण एवं जाणेज्रा-इह खलु निग्गंधाण वा निग्गंधीण वा नो सुलभे सेज्रासंधारए त्ति कट्ट एव ण्हं कप्पइ पुव्वामेव ओग्गहं ओगिण्हित्ता तओ पच्छा अनुण्णवेत्ताए मा दुहओ अजो वड-अणुलोमेणं अनुलोमेयच्चे सिया । ११।-११

(१९८) निग्गंधस्स णं गाहावड्कुलं पिंडवायपडियाए अनुपविड्ढस्स अन्नयरेअहालहुसए उवगरणजाए परिब्वट्ठे सिया तं च केइ साहम्मिए पासेज्रा कप्पइ से सागारकडं गहाय जत्थेव अण्णमण्णं पासेज्रा तत्थेव एवं वएज्रा-इमे भे अजो किं परिण्णाए से य वएज्रा-परिण्णाए तस्सेव पडिणिज्जाएयच्चो सिया से य वएज्रा-नो परिण्णाए तं नो अप्पणा परिभुंजेज्रा नो अण्णमण्णस्स दावए एगंते बहुफासुए तंडिले परिट्टवेयच्चे सिया । १२।-१२

(१९९) निग्गंधस्स णं बहिया विधारभूमिं वा विहारभूमिं वा निक्खंतस्स अण्णयरे अहालहुसए उहालहुसए उवगरणजाए परिब्वट्ठे सिया तं च केइ साहम्मिए पासेज्रा कप्पइ से सागारकडं गहाय पासेज्रा अत्थेव अण्णमण्णं तत्थेव एवं वएज्रा-इमे भे अजो किं परिण्णाए से य वएज्रा-परिण्णाए तस्सेव पडिणिज्जाएयच्चो सिया से य वएज्रा-नो परिण्णाए तं नो अप्पणा परिभुंजेज्रा नो अण्णमण्णस्स दावए एगंते बहुफासुए तंडिले परिट्टवेयच्चो सिया । १३।-१३

(२००) निग्गंधस्स णं गामाणुगामं दूइज्जमाणस्स अण्णयरे उवगरणजाए परिब्वट्ठे सिया केइ साहम्मिए पासेज्रा कप्पइ से सागारकडं गहाय दूस्सेव अद्धाणं परिवहित्तए जत्थेव अण्णमण्णं पासेज्रा तत्थेव एवं वएज्रा-इमे भे अजो किं परिण्णाए से य वएज्रा-परिण्णाए तस्सेव पडिणिज्जाएयच्चो सिया से य वएज्रा-नो परिण्णाए तं नो अप्पणा परिभुंजेज्रा नो अण्णमण्णस्स

दावए एगंते बहुफासुए धंडिले परिद्वेयव्वे सिया 19४1-14

(२०१) कप्पइ निगंधाण वा निगंधीण वा अइरेगपडिगहं अण्णमण्णस्स अट्टाए धारेत्तए वा परिगहत्तए वा सो वा णं धारेत्सइ अहं वा णं धारेत्सामि अण्णो वा णं धारेत्सइ नो से कप्पइ ते अणापुच्छिय अणामंतिय अण्णमण्णेसिं दाउं वा अनुप्पदाउं वा कप्पइ से ते आपुच्छिय आमंतिय अण्णमण्णेसिं दाउं वा अनुप्पदाउं वा 19५1-15

(२०२) अट्ट कुक्कुडिअंडगप्पमाणमेत्ते कवले आहारं आहारेमाणे समणे निगंधे अप्पाहारे बारस कुक्कुडिअंडगप्पमाणमेत्ते कवले आहारं आहारेमाणे समणे निगंधे अवइद्धो-मोयरिए सोलस कुक्कुडिअंडगप्पमाणमेत्ते कवले आहारं आहारेमाणे समणे निगंधे दुभागपत्ते चउवीसं कुक्कुडिअंडगप्पमाणमेत्ते कवले आहारं आहारेमाणे समणे निगंधे ओमोयरिए एगतीसं कुक्कुडिअंडगप्पमाणमेत्ते कवले आहारं आहारेमाणे समणे निगंधे किंचूणोमोयरिए वत्तीसं कुक्कुडिअंडगप्पमाणमेत्ते कवले आहारं आहारेमाणे समणे निगंधे प्माणपत्ते एत्तो एणेण विघासेणं ऊणगं आहारं आहारेमाणे समणे निगंधे नो पकामभोइ ति वत्तव्वंसिया 19६1-16 ति बेमि

● अट्टमो उद्देशो सभ्तो ●

—: न ब मो—उ दे सो —:

(२०३) सागारियस्स आप्से अंतो वगडाए भुंजइ निट्टिए निसट्टे पाडिहारिए तम्हा दावए नो से कप्पइ पडिगाहेत्तए 191-1

(२०४) सागारियस्स आप्से अंतो वगडाए भुंजइ निट्टिए निसट्टे अपाडिहारिए तम्हा दावए एवं से कप्पइ पडिगाहेत्तए 1२1-2

(२०५) सागारियस्स आप्से बाहिं वगडाए भुंजइ निट्टिए निसट्टे पाडिहारिए तम्हा दावए नो से कप्पइ पडिगाहेत्तए 1३1-3

(२०६) सागारियस्स आप्से बाहिं वगडाए भुंजइ निट्टिए निसट्टे अपाडिहारिए तम्हा दावए एवं से कप्पइ पडिगाहेत्तए 1४1-4

(२०७) सागारियस्स दासे वा भयए वा अंतो वगडाए भुंजइ निट्टिए निसट्टे पाडिहारिए तम्हा दावए नो से कप्पइ पडिगाहेत्तए 1५1-5

(२०८) सागारियस्स दासे वा भयए वा अंतो वगडाए भुंजइ निट्टिए निसट्टे अपाडिहारिए तम्हा दावए एवं से कप्पइ पडिगाहेत्तए 1६1-6

(२०९) सागारियस्स दासे वा भयए वा बाहिं वगडाए भुंजइ निट्टिए निसट्टे पाडिहारिए तम्हा दावए नो से कप्पइ पडिगाहेत्तए 1७1-7

(२१०) सागारियस्स दासे वा भयए वा बाहिं वगडाए भुंजइ निट्टिए निसट्टे अपाडिहारिए तम्हा दावए एवं से कप्पइ पडिगाहेत्तए 1८1-8

(२११) सागारियस्स नायए सिया सागारियस्स एगवगडाए अंतो सागारियस्स एगपयाए सागारिय चोवजीवइ तम्हा दावए नो से कप्पइ पडिगाहेत्तए 1९1-9

(२१२) सागारियस्स नायए सिया सागारियस्स एगवगडाए अंतो अभिनिपयाए सागारियं चोवजीवइ तम्हा दावए नो से कप्पइ पडिगाहेत्तए 19०1-10

(२१३) सागारियस्स नायए सिया सागारियस्स एगवगडाए बाहिं सागारियस्स एगपयाए सागारियं चोवजीवइ तम्हा दावए नो से कप्पइ पडिगाहेत्तए 1991-11

(२१४) सागारियस्स नायए सिया सागारियस्स एगवगडाए बाहिं अभिनिपयाए सागारियं चोवजीवइ तम्हा दावए नो से कप्पइ पडिगाहेत्तए ।१२।-12

(२१५) सागारियस्स नायए सिया सागारियस्स अभिनिव्वगडाए एगदुवाराए एगनिक्ख-मण-पवेसाए अंतो एगपयाए सागारियं चोवजीवइ तम्हा दावए नो से कप्पइ पडिगाहेत्तए ।१३।-13

(२१६) सागारियस्स नायए सिया सागारियस्स अभिनिव्वगडाए एगदुवाराए एगनिक्ख-मण-पवेसाए अंतो अभिनिपयाए सागारियं चोवजीवइ तम्हा दावए नो से कप्पइ पडिगाहेत्तए ।१४।-14

(२१७) सागारियस्स नायए सिया सागारियस्स अभिनिव्वगडाए एगदुवाराए एगनिक्ख-मण-पवेसाए बाहिं सागारियस्स एगपयाए सागारियं चोवजीवइ तम्हा दावए नो से कप्पइ पडिगाहेत्तए ।१५।-15

(२१८) सागारियस्स नायए सिया सागारियस्स अभिनिव्वगडाए एगदुवाराए एगनिक्खमण-पवेसाए बाहिं अभिनिपयाए सागारियं चोवजीवइ तम्हा दावए नो से कप्पइ पडिगाहेत्तए ।१६।-16

(२१९) सागारियस्स चक्कियसाला साहारणवक्कयपउत्ता तम्हा दावए नो से कप्पइ पडिगाहेत्तए ।१७।-17

(२२०) सागारियस्स चक्कियसाला निस्साहारणवक्कयपउत्ता तम्हा दावए एवं से कप्पइ पडिगाहेत्तए ।१८।-18

(२२१) सागारियस्स गोलियसाला साहारणवक्कयपउत्ता तम्हा दावए नो से कप्पइ पडिगाहेत्तए ।१९।-19

(२२२) सागारियस्स गोलियसाला निस्साहारणवक्कयपउत्ता तम्हा दावए एवं से कप्पइ पडिगाहेत्तए ।२०।-20

(२२३) सागारियस्स बोधियसाला साहारणवक्कयपउत्ता तम्हा दावए नो से कप्पइ पडिगाहेत्तए ।२१।-21

(२२४) सागारियस्स बोधियसाला निस्साहारणवक्कयपउत्ता तम्हा दावए एवं से कप्पइ पडिगाहेत्तए ।२२।-22

(२२५) सागारियस्स दोसियसाला साहारणवक्कयपउत्ता तम्हा दावए नो से कप्पइ पडिगाहेत्तए ।२३।-23

(२२६) सागारियस्स दोसियसाला निस्साहारणवक्कयपउत्ता तम्हा दावए एवं से कप्पइ पडिगाहेत्तए ।२४।-24

(२२७) सागारियस्स सौत्तियसाला साहारणवक्कयपउत्ता तम्हा दावए नो से कप्पइ पडिगाहेत्तए ।२५।-25

(२२८) सागारियस्स सौत्तियसाला निस्साहारणवक्कयपउत्ता तम्हा दावए एवं से कप्पइ पडिगाहेत्तए ।२६।-26

(२२९) सागारियस्स बोडियसाला साहारणवक्कयपउत्ता तम्हा दावए नो से कप्पइ पडिगाहेत्तए ।२७।-27

(२३०) सागारियस्स बोडियसाला निस्साहारणवक्कयपउत्ता तम्हा दावए एवं से कप्पइ पडिगाहेत्तए ।२८।-28

(२३१) सागारियस्स गंधियसाला साहारणवक्कयपउत्ता तम्हा दावए नो से कप्पइ पडिगाहेत्तए ।२९।-२९

(२३२) सागारियस्स गंधियसाला निस्साहारणवक्कयपउत्ता तम्हा दावए एवं से कप्पइ पडिगाहेत्तए ।३०।-३०

(२३३) सागारियस्स ओसहीओ संघडाओ तम्हा दावे नो से कप्पइ पडिगाहेत्तए ।३१।-३१

(२३४) सागारियस्स ओसहीओ असंघडाओ तम्हा दावए एवं से कप्पइ पडिगाहेत्तए ।३२।-३२

(२३५) सागारियस्स अंबफला संघडा तम्हा दावए नो से कप्पइ पडिगाहेत्तए ।३३।-३३

(२३६) सागारियस्स अंबफला असंघडा तम्हा दावए एवं से कप्पइ पडिगाहेत्तए ।३४।-३४

(२३७) सत्तसत्तमिया णं भिक्खुपडिमा एणूणपत्राए राइदिएहिं एणेण छन्नउणं भिक्खासएणं अहासुत्तं अहाकप्पं अहामगं अहातच्चं सम्मं काएण फासिया पालिया सोहिया तीरिया किट्टिया आणाए अनुपालिया भवइ ।३५।-३५

(२३८) अट्टअट्टमिया णं भिक्खुपडिमा चउसट्ठीए राइदिएहिं दोहि य अट्टसीएहिं भिक्खासएहिं अहासुत्तं अहाकप्पं अहामगं अहातच्चं सम्मं काएण फासिया पालिया सोहिया तीरिया किट्टिया आणाए अनुपालिया भवइ ।३६।-३६

(२३९) नवनवमिया णं भिक्खुपडिमा एगासीए राइदिएहिं चउहिं य पंचुत्तरेहिं भिक्खासएहिं अहासुत्तं अहाकप्पं अहामगं अहातच्चं सम्मं काएण फासिया पालिया सोहिया तीरिया किट्टिया आणाए अनुपालिया भवइ ।३७।-३७

(२४०) दसदसमिया णं भिक्खुपडिमा एणेणं राइदियसएणं अट्टछट्ठेहिं य भिक्खासएहिं अहासुत्तं अहाकप्पं अहामगं अहातच्चं सम्मं काएण फासिया पालिया सोहिया तीरिया किट्टिया आणाए अनुपालिया भवइ ।३८।-३८

(२४१) दो पडिमाओ पत्रताओ तं जहा-खुड्डिया चेव मोयपडिमा महल्लिया चेव मोयपडिमा ।३९।-३९

(२४२) खुड्डियाणं मोयपडिमं पडिवन्नस्स अणगारस्स कप्पइ से पढभसरदकालसमयंसि वा चरि मनिदाहकालसमयंसि वा बहिया गामस्स वा जाव सन्निवेसस्स वा वणंसि वा वणविदुग्गंसि वा पव्वयंसि वा पव्वयविदुग्गंसि वा भोच्चा आरुमइ चोदसमेणं पारेइ अमोच्चा आरुमइ सोलसमेणं पारेइ जाए मोए आईयव्वे दिया आगच्छइ आईयव्वे राइं आगच्छइ नो आईयव्वे सपाणे आगच्छइ नो आईयव्वे अप्पाणे आगच्छइ आईयव्वे सबीए आगच्छइ नो आईयव्वे अब्बीए आगच्छइ आईयव्वे ससणिद्धे आगच्छइ नो आईयव्वे अससणिद्धे आगच्छइ आईयव्वे ससरक्खे आगच्छइ नो आईयव्वे अससरक्खे आगच्छइ आईयव्वे जाए मोए आईयव्वे तं जहा-अप्ये वा बहुए वा एवं खलु एसा खुड्डिया मोयपडिमा अहासुत्तं [अहाकप्पं अहामगं अहातच्चं सम्मं काएण फासिया पालिया सोहिया तीरिया किट्टिया आणाए] अनुपालिया भवइ ।४०।-४०

(२४३) महल्लियाणं मोयपडिमं पडियन्नस्स अणगारस्स कप्पइ से पढभसरदकालसमयंसि वा चरि मनिदाहकालसमयंसि वा बहिया गामस्स वा जाव सन्निवेसस्स वा वणंसि वा वणविदुग्गंसि वा पव्वयंसि वा पव्वयविदुग्गंसि वा भोच्चा आरुमइ सोलसमेणं पारेइ अमोच्चा आरुमइ अट्टारसमेणं पारेइ जाए मोए आईयव्वे दिया आगच्छइ आईयव्वे राइं आगच्छइ नो आईयव्वे सपाणे आगच्छइ नो आईयव्वे अप्पाणे आगच्छइ आईयव्वे सबीए आगच्छइ नो आईयव्वे

अससणिद्धे आगच्छइ आईयव्वे अससरक्खे आगच्छइ नो आईयव्वे अससरक्खे आगच्छइ आई-
यव्वे जाए मोए आईयव्वे तं जहा-अप्पे वा बहुए वा एवं खलु एसा मरुडिया मोयपडिमा अहासुत्तं
अहाकप्पं अहामणं अहातत्तं सम्मं काएण फासिया पालिया सोहिया तीरिया किट्टिया आणाए
अनुपालिया भवइ ।४१।-४१

(२४४) संखादत्तियस्स णं भिक्खुस्स पडिग्गहधारिस्स जावइयं-जावइयं केइ अंतो
पडिग्गहंसि उवित्ता दलएज्जा तावइयाओ ताओ दत्तीओ वत्तव्वं सिया तत्थ से केइ छव्वेण वा
दूसएण वा वालएण वा अंतो पडिग्गहंसि उवित्ता दलएज्जा सव्वा वि णं सा एगा दत्ती वत्तव्वं सिया
तत्थ से बहवे भुंजमाणा सव्वे ते सयं पिंडं अंतो पडिग्गहंसि उवित्ता दलएज्जा सव्वा वि णं सा एगा
दत्ती वत्तव्वं सिया ।४२।-४२

(२४५) संखादत्तियस्स णं भिक्खुस्स पाणिपडिग्गहियस्स जावइयं-जावइयं केइ अंतो
पाणिसि उवित्ता दलएज्जा तावइयाओ ताओ दत्तीओ वत्तव्वं सिया तत्थ से केइ छव्वेण वा दूसएण
वा वालएण वा अंतो पाणिसि उवित्ता दलएज्जा सव्वा वि णं सा एगा दत्ती वत्तव्वं सिया तत्थ से
बहवे भुंजमाणा सव्वे ते सयं पिंडं अंतो पाणिसि उवित्ता दलएज्जा सव्वा वि णं सा एगा दत्ती वत्तव्वं
सिया ।४३।-४३

(२४६) तिविहे उवहडे पत्रत्ते तं जहा-सुद्धोयहडे फलिओचहडे संसट्ठोयहडे ।४४।-४४

(२४७) तिविहे ओग्गहिए पत्रत्ते तं जहा-जं च ओग्गिण्हइ जं च साहरइ जं च आसगांसि
पक्खिवइ एगे एवमाहंसु ।४५।-४५

(२४८) एगे पुण एवमाहंसु दुविहे ओग्गहिए पत्रत्ते तं जहा-जं च ओग्गिण्हइ जं च आसगांसि
पक्खिवइ त्ति वेमि ।४६।-४६

● नवमो उद्देशो समतो ●

दसमो-उद्देशो

(२४९) दो पडिमाओ पत्रत्ताओ तं जहा-जवमज्झा य चंदपडिमा बइरमज्झा य चंदपडिमा,
जवमज्झणं चंदपडिमं पडिवत्तस्स अणगारस्स पासं निच्चं वोसट्ठकाए चत्तदेहे जे केइ उवसग्गा
उप्पज्जंति तं जहा-दिच्चा वा माणुसा वा तिरिक्खजोगिया वा अनुलोमा वा पडिलोमा वा - तत्थ
अनुलोमा ताव वंदेज्जा वा नमंसेज्जा वा सक्कारेज्जा वा सम्पाणेज्जा वा कल्लण मंगलं देवयं चेइयं
पञ्चवासैज्जा तत्थ पडिलोमा अण्णयरंणं दंडेण वा अट्ठीण वा जोत्तेण वा वेत्तेण वा कसेण वा काए
आउडेज्जा-त्ते सव्वे उप्पन्ने सम्मं सहेज्जा खमेज्जा तित्तिक्खेज्जा अहियासेज्जा जवमज्झणं चंदपडिमं
पडिवत्तस्स अणगारस्स सुक्कपक्खस्स पाडिवए कप्पइ एगा दत्ती भोयणस्स पडिगाहेत्तए एगा
पाणस्स अण्णायत्तं सुद्धोयहडं निज्जुहिता बहवे सपण-माहण-अत्तिहि-किवण-वणीमगा कप्पइ से
एगस्स भुंजमाणास्स पडिगाहेत्तए नो दोण्हं नो चउण्हं नो गुच्चिणीए नो बालवच्छए नो दारं
पेज्जमाणीए नो अंतो एलुयस्स दो वि पाए साहट्ठु दलमाणीए नो बाहिं एलुयस्स दो वि पाए साहट्ठु
दलमाणीए एगं पायं अंतो किच्चा एगं पायं बाहिं किच्चा एलुयं विक्खंभइत्ता एवं दलयइ एवं से
कप्पइ पडिगाहेत्तए एवं नो दलयइ एवं से नो कप्पइ पडिगाहेत्तए विइज्जाए से कप्पइ दोण्णि दत्तीओ
भोयणस्स पडिगाहेत्तए दोण्णि पाणस्स तइयाए से कप्पइ तिण्णि दत्तीओ भोयणस्स पडिगाहेत्तए
तिण्णि पाणस्स चउत्थीए से कप्पइ चउ दत्तीओ भोयणस्स पडिगाहेत्तए चउ पाणस्स पंचमीए से

कप्यइ पंच दतीओ भोयणस्स पडिगाहेत्तए पंच पाणस्स छट्ठीए से कप्यइ छ दतीओ भोयणस्स पडिगाहेत्तए छ पाणस्स सत्तमीए से कप्यइ सत्त दतीओ भोयणस्स पडिगाहेत्तए सत्त पाणस्स अट्ठमीए से कप्यइ अट्ठ दतीओ भोयणस्स पडीगाहेत्तए नव पाणस्स दसमीए से कप्यइ दस दतीओ भोयणस्स पडिगाहेत्तए दस पाणस्स एगारसमीए से कप्यइ एगारस दतीओ भोयणस्स पडिगाहेत्तए बारस पाणस्स तेरसमीए से कप्यइ तेरस दतीओ भोयणस्स पडिगाहेत्तए तेरस पाणस्स चोद्दसमीए से कप्यइ चोद्दस दतीओ भोयणस्स पडिगाहेत्तए चोद्दस पाणस्स पत्ररसमीए से कप्यइ पत्ररस दतीओ भोयणस्स पडिगाहेत्तए पत्ररस पाणस्स, बहुलपक्खस्स पाडिवए कप्यति चोद्दस दतीओ भोयणस्स पडिगाहेत्तए चोद्दस पाणस्स बितियाए कप्यइ तेरस दतीओ भोयणस्स पडिगाहेत्तए तेरस पाणस्स ततियाए कप्यइ बारस दतीओ भोयणस्स पडिगाहेत्तए बारस पाणस्स चउत्थीए कप्यइ एककारस दतीओ भोयणस्स पडिगाहेत्तए एककारस पाणस्स पंचमीए कप्यइ दस दतीओ भोयणस्स पडिगाहेत्तए दस पाणस्स छट्ठीए कप्यइ नव दतीओ भोयणस्स पडिगाहेत्तए नव पाणस्स सत्तमीए कप्यइ अट्ठ दतीओ भोयणस्स पडिगाहेत्तए अट्ठ पाणस्स अट्ठमीए कप्यइ सत्त दतीओ भोयणस्स पडिगाहेत्तए सत्त पाणस्स नवमीए कप्यइ छ दतीओ भोयणस्स पडिगाहेत्तए छ पाणस्स दसमीए कप्यइ पंच दतीओ भोयणस्स पडिगाहेत्तए पंच पाणस्स एककारसीए कप्यइ चउ दतीओ भोयणस्स पडिगाहेत्तए चउ पाणस्स बारसीए कप्यइ तिण्णि दतीओ भोयणस्स पडिगाहेत्तए तिण्णि पाणस्स तेरसीए कप्यइ दोण्णि दतीओ भोयणस्स पडिगाहेत्तए दोण्णि पाणस्स चउदसीए कप्यइ एगा दती भोयणस्स पडिगाहेत्तए एगा पाणस्स अमावासाए से य अमत्तडे भवइ एवं खलु एसा जवमज्झचंदपडिमा अहासुतं अहाकप्यं अहामग्गं अहातच्चं सम्मं काएण फासिया पालिया सोहिया तीरिया किट्टिया आणाए अनुपालिया भवइ 19।-1

(२५०) वइरमज्झणं चंदपडिमं पडिवन्नस्स अणगारस्स मासं निच्चं वोसट्ठकाए चत्तदेहे जे केइ उवसग्गा उप्पञ्जंति तं जहा-दिच्चा वा माणुसा वा तिरिकखजोणिया वा अनुलोमा वा पडिलोमा वा-तत्थ अनुलोमा ताव वंदेजा वा नमसेजा वा सक्कारेजा वा सम्माणेजा वा कल्लणं मंगलं देवयं चेइयं पञ्चुवासेजा तत्थ पडिलोमा अण्णयरेणं दंडेण वा अट्ठीण वा जोतेण वा वेत्तेण वा कसेण वा काए आउडेजा-ते सच्चे उप्पन्ने सम्मं सहेजा खमेजा तितिकखेजा अहियासेजा वइरमज्झणं चंदपडिमं पडिवन्नस्स अणगारस्स बहुलपक्खस्स पाडिवए कप्यइ पत्ररस दतीओ भोयणस्स पडिगाहेत्तए पत्ररस पाणस्स बितियाए से कप्यइ चउद्दस दतीओ भोयणस्स पडिगाहेत्तए चउद्दस पाणस्स तइयाए कप्यइ तेरस दतीओ भोयणस्स पडिगाहेत्तए तेरस पाणस्स एवं एगुत्तरियाए हाणीए जाव पत्ररसीए एगा दती भोयणस्स पडिगाहेत्तए एगा पाणस्स सुक्कपक्खस्स पाडिवए से कप्यइ दो दतीओ भोयणस्स पडिगाहेत्तए दो पाणस्स बितियाए तिण्णि दतीओ भोयणस्स पडिगाहेत्तए तिण्णि पाणस्स एवं एगुत्तरियाए वइदीए जाव चोद्दसीए पत्ररस दतीओ भोयणस्स पडिगाहेत्तए पत्ररस पाणस्स पुत्रिमाए अमत्तडे भवइ एवं खलु एसा यइरमज्झ चंदपडिमा अहासुतं अहाकप्यं अहामग्गं अहातच्चं सम्मं काएण फासिया पालिया सोहिया तीरिया किट्टिया आणाए अनुपालिया भवइ 12।-2

(२५१) पंचविहे ववहारं पन्नत्ते तं जहा-आग्गे सुए आणा धारणा, जीए जहा से तत्थ आग्गे सिया आग्गेणं ववहारं पट्टवेजा नो से तत्थ आग्गे सिया जहा से तत्थ सुए सिया सुएणं

ववहारं पट्टवेज्जा नो से तत्थ सुए सिया जहा से तत्थ आणा सिया आणाए ववहारं पट्टवेज्जा नो से तत्थ आणा सिया जहा से तत्थ धारणा सिया धारणाए ववहारं पट्टवेज्जा नो से तत्थ धारणा सिया जहा से तत्थ जीए सिया जीएणं ववहारं पट्टवेज्जा इच्चैतेहिं पंचहिं ववहारेहिं ववहारं पट्टवेज्जा तं जहा-आगमेणं सुएणं आणाए धारणाए जीएणं जहा-जहा से आगमे सुए आणा धारणा जीए तहा-तहा ववहारे पट्टवेज्जा से किमाहुं भंते आगमबलिया समणा निग्गंथा इच्चैयं पंचविहं ववहारं जया-जया जहिं-जहिं तया-तया तहिं-तहिं अनिस्सिओवस्सियं ववहारं ववहारेमाणे समणे निग्गंथे आणाए आराहए मवइ।३।-३

(२५२) चत्तारि पुरिसजाया पन्नता तं जहा-अट्टकरे नाममेगे नो माणकरे, माणकरे नाममेगे नो अट्टकरे एगे अट्टकरे वि माणकरे वि एगे नो अट्टकरे नो माणकरे।४।-४

(२५३) चत्तारि पुरिसजाया पन्नता तं जहा-गणट्टकरे नाममेगे नो माणकरे माणकरे नाममेगे नो गणट्टकरे एगे गणट्टकरे वि माणकरे वि एगे नो गणट्टकरे नो माणकरे।५।-६

(२५४) चत्तारि पुरिसजाया पन्नता तं जहा-गणसंगहकरे नाममेगे नो माणकरे माणकरे नाममेगे नो गणसंगहकरे एगे गणसंगहकरे वि माणकरे वि एगे नो गणसंगहकरे नो माणकरे।६।-६

(२५५) चत्तारि पुरिसजाया पन्नता तं जहा-गणसोभकरे नाममेगे नो माणकरे माणकरे नाममेगे नो गणसोभकरे एगे गणसोभकरे वि माणकरे वि एगे नो गणसोभकरे नो माणकरे।७।-७

(२५६) चत्तारि पुरिसजाया पन्नता तं जहा-गणसोहिकरे नाममेगे नो माणकरे माणकरे नाममेगे नो गणसोहिकरे एगे गणसोहिकरे वि माणकरे वि एगे नो गणसोहिकरे नो माणकरे।८।-८

(२५७) चत्तारि पुरिसजाया पन्नता तं जहा-रुवं नाममेगे जहइ नो धम्मं धम्मं नाममेगे जहइ नो रुवं एगे रुवं पि जहइ धम्मं पि जहइ एगे नो रुवं जहइ नो धम्मं जहइ।९।-९

(२५८) चत्तारि पुरिसजाया पन्नता तं जहा-धम्मं नाममेगे जहइ नो गणसंठितिं गणसंठितिं नाममेगे जहइ नो धम्मं एगे गणसंठितिं पि जहइ धम्मं पि जहइ एगे नो गणसंठितिं जहइ नो धम्मं जहइ।१०।-१०

(२५९) चत्तारि पुरिसजाया पन्नता तं जहा-पियधम्मं नाममेगे नो ददधम्मं ददधम्मं नाममेगे नो पियधम्मं एगे पियधम्मं वि ददधम्मं वि एगे नो पियधम्मं नो ददधम्मं।११।-११

(२६०) चत्तारि आयरिया पन्नता तं जहा-पव्वावणायरिए नाममेगे नो उवट्ठावणायरिए उवट्ठावणायरिए नाममेगे नो पव्वावणायरिए एगे पव्वावणायरिए वि उवट्ठावणायरिए वि एगे नो पव्वावणायरिए नो उवट्ठावणायरिए-धम्मायरिए।१२।-१२

(२६१) चत्तारि आयरिया पन्नता तं जहा-उहेसणायरिए नाममेगे नो वायणायरिए वायणायरिए नाममेगे नो उहेसणायरिए एगे उहेसणायरिए वि वायणायरिए वि एगे नो उहेसणायरिए नो वायणायरिए-धम्मायरिए।१३।-१३

(२६२) चत्तारि अंतेवासी पन्नता तं जहा-पव्वावणंतेवासी नाममेगे नो उवट्ठावणंतेवासी उवट्ठावणंतेवासी नाममेगे नो पव्वावणंतेवासी एगे पव्वावणंतेवासी वि उवट्ठावणंतेवासी वि एगे नो पव्वावणंतेवासी नो उवट्ठावणंतेवासी-धम्मंतेवासी।१४।-१४

(२६३) चत्तारि अंतेवासी पन्नता तं जहा- उहेसणंतेवासी नाममेगे नो वायणंतेवासी वायणंतेवासी नाममेगे नो उहेसणंतेवासी एगे उहेसणंतेवासी वि वायणंतेवासी वि एगे नो उहेसणंतेवासी नो वायणंतेवासी-धम्मंतेवासी।१५।-१५

(२६४) चत्तारि अंतेवासी पन्नता तं जहा- उहेसणंतेवासी नाममेगे नो वायणंतेवासी वायणंतेवासी नाममेगे नो उहेसणंतेवासी एगे उहेसणंतेवासी वि वायणंतेवासी वि एगे नो उहेसणंतेवासी नो वायणंतेवासी-धम्मंतेवासी।१६।-१६

(२६५) चत्तारि अंतेवासी पन्नता तं जहा- उहेसणंतेवासी नाममेगे नो वायणंतेवासी वायणंतेवासी नाममेगे नो उहेसणंतेवासी एगे उहेसणंतेवासी वि वायणंतेवासी वि एगे नो उहेसणंतेवासी नो वायणंतेवासी-धम्मंतेवासी।१७।-१७

(२६६) चत्तारि अंतेवासी पन्नता तं जहा- उहेसणंतेवासी नाममेगे नो वायणंतेवासी वायणंतेवासी नाममेगे नो उहेसणंतेवासी एगे उहेसणंतेवासी वि वायणंतेवासी वि एगे नो उहेसणंतेवासी नो वायणंतेवासी-धम्मंतेवासी।१८।-१८

(२६७) चत्तारि अंतेवासी पन्नता तं जहा- उहेसणंतेवासी नाममेगे नो वायणंतेवासी वायणंतेवासी नाममेगे नो उहेसणंतेवासी एगे उहेसणंतेवासी वि वायणंतेवासी वि एगे नो उहेसणंतेवासी नो वायणंतेवासी-धम्मंतेवासी।१९।-१९

(२६८) चत्तारि अंतेवासी पन्नता तं जहा- उहेसणंतेवासी नाममेगे नो वायणंतेवासी वायणंतेवासी नाममेगे नो उहेसणंतेवासी एगे उहेसणंतेवासी वि वायणंतेवासी वि एगे नो उहेसणंतेवासी नो वायणंतेवासी-धम्मंतेवासी।२०।-२०

(२६४) तओ घेरभूमीओ तं जहा-जातिथेरे सुयथेरे परियायथेरे सड्ढिवासजाए समणे निग्गंथे जातिथेरे ठाणसमवायथेरे समणे निग्गंथे सुयथेरे वीसवासपरियाए समणे निग्गंथे परियायथेरे ।१६।-१५

(२६५) तओ सेहभूमीओ पत्रत्तओ तं जहा-जहण्णा मज्झिमा उक्कोसा सत्तराड्ढिया जहण्णा चाउम्पासिया मज्झिमा छम्पासिया उक्कोसा ।१७।-१६

(२६६) नो कप्पइ निग्गंथाण वा निग्गंथीण वा खुड्ढुगं वा खुड्ढियं वा ऊणड्ढवासजायं उवड्ढवेत्ताए वा संभुजित्ताए वा ।१८।-१७

(२६७) कप्पइ निग्गंथाणं वा निग्गंथीणं वा खुड्ढुगं वा खुड्ढियं वा साइरेगड्ढवासजायं उवड्ढवेत्ताए वा संभुजित्ताए वा ।१९।-१८

(२६८) नो कप्पइ निग्गंथाण वा निग्गंथीण वा खुड्ढुगस्स वा खुड्ढियाए वा अवंजणजायस्स आयाएपकप्पं नामं अज्झयणं उद्दिस्सित्ताए ।२०।-१९

(२६९) कप्पइ निग्गंथाण वा निग्गंथीण वा खुड्ढुगस्स वा खुड्ढियाए वा वंजणजायस्स आयाएपकप्पं नामं अज्झयणं उद्दिस्सित्ताए ।२१।-२०

(२७०) तिवासपरियायस्स समणस्स निग्गंथस्स कप्पइ आयाएपकप्पं नामं अज्झयणं उद्दिस्सित्ताए ।२२।-२१

(२७१) चउवासपरियायस्स समणस्स० कप्पइ सूयगडे नामं अंगे उद्दिस्सित्ताए ।२३।-२२

(२७२) पंचवासपरियायस्स समणस्स० कप्पइ दसाकप्पववहारे उद्दिस्सित्ताए ।२४।-२३

(२७३) अट्ठवासपरियायस्स समणस्स निग्गंथस्स कप्पइ ठाण-समवाए नामं अंगे उद्दिस्सित्ताए ।२५।-२४

(२७४) दसवासपरियायस्स समणस्स० कप्पइ वियाहे नामं अंगे उद्दिस्सित्ताए ।२६।-२५

(२७५) एककारसवासपरियायस्स समणस्स० कप्पइ खुड्ढिया विमाणपविभत्ती महस्सिया विमाणपविभत्ती अंगचूलिया वग्गचूलिया वियाहचूलिया नामं अज्झयणे उद्दिस्सित्ताए ।२७।-२६

(२७६) बारसवासपरियायस्स समणस्स निग्गंथस्स कप्पइ अरुणोववाए वरुणोववाए गरुलोववाए धरणोववाए वेसमणोववाए वेलंथरोववाए नामं अज्झयणे उद्दिस्सित्ताए ।२८।-२७

(२७७) तेरसवासपरियायस्स समणस्स निग्गंथस्स कप्पइ उट्ठाणसुए समुट्ठाणसुए देविंदोववाए नागपरियावणिए नामं अज्झयणे उद्दिस्सित्ताए ।२९।-२८

(२७८) चौदसवासपरियायस्स समणस्स निग्गंथस्स कप्पइ सुविणभावणानामं अज्झयणं उद्दिस्सित्ताए ।३०।-२९

(२७९) पत्ररसवासपरियायस्स समणस्स निग्गंथस्स कप्पइ चारणभावणानामं अज्झयणं उद्दिस्सित्ताए ।३१।-३०

(२८०) सोलसवासपरियायस्स समणस्स निग्गंथस्स कप्पइ तेयनिसग्गं नामं अज्झयणं उद्दिस्सित्ताए ।३२।-३१

(२८१) सत्तरसवासपरियायस्स समणस्स निग्गंथस्स कप्पइ आसीविसभावणानामं अज्झयणं उद्दिस्सित्ताए ।३३।-३२

(२८२) अट्ठारसवासपरियायस्स समणस्स निग्गंथस्स कप्पइ दिट्ठीविसभावणानामं अज्झयणं उद्दिस्सित्ताए ।३४।-३३

(૨૮૩) एगूणवीसवासपरियायस्स समणस्स निग्गंथस्स कप्पइ दिड्ढिवायनामं अंगं उद्दिस्सिए।३५।

(૨૮૪) वीसवासपरियाए समणे निग्गंथे सव्वसुयाणुवाइ भवइ।३६।-३५

(૨૮૫) દસવિઠ્ઠે વેયાવચ્છે પત્રત્તે તં જહા-આયરિયવેયાવચ્છે ઉવજ્જાયવેયાવચ્છે ઘેરવેયાવચ્છે તવસ્સિવેયાવચ્છે સેહવેયાવચ્છે ગિલાણવેયાવચ્છે કુલ્લવેયાવચ્છે ગણવેયાવચ્છે સંઘવેયાવચ્છે સાહમ્મિયવેયાવચ્છે [આયરિયવેયાવચ્છં કરેમાણે સમણે નિગ્ગંથે મહાનિજ્જરે મહાપજ્જવસાણે ભવइ एवं जाव साहम्मियवैयावच्छं करेमाणे समणे निग्गंथे महानिज्जरे महापज्जवसाणे भवइ]।३७।-३६

૩૬	વવહારો સમત્તો
તદ્વયં છેયસુત્તં સમત્તં	

—: નોંધ :-

પૂ. શ્રી મુનિમાણેકજી સંપાદિત વવહાર સૂત્રની શ્રીમલથગિરિ વૃત્તિમાં યહેલા ઉદ્દેસા માં વૃત્તિ ક્રમાંક લગભગ છે જ નહીં તેમ કહી શકાય. અહીં અમે ઉપચારથી જ વૃત્તિ અંક મૂકેલો છે. - બીજા ઉદ્દેસામાં વૃત્તિ ક્રમાંક ક્યાંક છે ક્યાંક નથી ત્યાં પણ અમે વૃત્તિમાં જોયેલ ક્રમાંકોના આધારેજ પૂર્વ-પશ્ચાત્ ક્રમાંકો ગોઠવેલ છે. જ્યારે ત્રીજાથી દસમા ઉદ્દેસા પર્યન્ત વૃત્તિ ક્રમાંક બરાબર જોવા મળેલ છે. અને તેજ ક્રમાંકન અને અંગ્રેજી અંકોમાં દર્શાવેલ છે.

દીપરત્નસાગર


[5]

-: अ-भा-रा- प्र-का-श-ना :-

- [१] अभिनव हेम लघुप्रक्रिया -१- सप्ताङ्ग विवरणम्
 [२] अभिनव हेम लघुप्रक्रिया -२- सप्ताङ्ग विवरणम्
 [३] अभिनव हेम लघुप्रक्रिया -३- सप्ताङ्ग विवरणम्
 [४] अभिनव हेम लघुप्रक्रिया -४- सप्ताङ्ग विवरणम्
 [५] षुद्धन्तमाला
 [६] चैत्यवन्दन पर्वमाला
 [७] चैत्यवन्दन सङ्ग्रह - तीर्थजिनविशेष
 [८] चैत्यवन्दन चोविशी
 [९] शत्रुञ्जय भक्ति [आवृत्ति-दो]
 [१०] अभिनव जैन पञ्चाङ्ग - २०४६
 [११] अभिनव उपदेश प्रासाद -१- श्रावक कर्तव्य - १ थी ११
 [१२] अभिनव उपदेश प्रासाद -२- श्रावक कर्तव्य - १२ थी १५
 [१३] अभिनव उपदेश प्रासाद -३- श्रावक कर्तव्य - १६ थी ३६
 [१४] नवपद-श्रीपाल- [शाश्वती ओणीना व्याख्यान रूपे]
 [१५] सप्ताधिमसूत्र [विधि-सूत्र-पद्य-आराधना- मरणात्पेद-संग्रह]
 [१६] चैत्यवन्दनमाणा [७७७ चैत्यवन्दनो नो संग्रह]
 [१७] तत्त्वार्थ सूत्र प्रबोधटीका [अध्याय-१]
 [१८] तत्त्वार्थ सूत्रना आगम आधार स्थानो
 [१९] सिद्धायलनो साथी [आवृत्ति-बे]
 [२०] चैत्यपरिपाटी
 [२१] अमदावाड जिनमंदिर उपाश्रय आदि डिरेक्टरी
 [२२] शत्रुञ्जय ललित [आवृत्ति-बे]
 [२३] श्री नवकारमंत्र नवलाभ जाप नोंधपोथी
 [२४] श्री चारित्र पद ऐक करोड जाप नोंधपोथी
 [२५] श्री भारव्रत पुस्तिका तथा अन्य नियमो [आवृत्ति-चार]
 [२६] अभिनव जैन पंचांग- २०४२; [सर्व प्रथम, १३ विलागोमां]
 [२७] श्री ज्ञानपद पूजा
 [२८] अंतिम आराधना तथा साधु साध्वी काणधर्म विधि
 [२९] श्रावक अंतिम आराधना [आवृत्ति-त्रस]
 [३०] वीतराग स्तुति संशय [११५१-त्वाववाही स्तुतिओ]
 [३१] (पूज्य आगमोद्धारकश्रीना समुदापना) कायमी संपर्क स्थणो
 [३२] तत्त्वार्थाधिगमसूत्र अभिनवटीका- अध्याय-१
 [३३] तत्त्वार्थाधिगमसूत्र अभिनवटीका - अध्याय-२
 [३४] तत्त्वार्थाधिगमसूत्र अभिनवटीका- अध्याय-३

[6]

- [३५] तत्त्वार्थाधिगम सूत्र अभिनवटीका- अध्याय-४
 [३६] तत्त्वार्थाधिगम सूत्र अभिनवटीका- अध्याय-५
 [३७] तत्त्वार्थाधिगम सूत्र अभिनवटीका- अध्याय-६
 [३८] तत्त्वार्थाधिगम सूत्र अभिनवटीका- अध्याय-७
 [३९] तत्त्वार्थाधिगम सूत्र अभिनवटीका- अध्याय-८
 [४०] तत्त्वार्थाधिगम सूत्र अभिनवटीका- अध्याय-९
 [४१] तत्त्वार्थाधिगमसूत्र अभिनवटीका- अध्याय-१०



[४२] आचारो	[आगमसुत्ताणि-१]	पदमं अंगसुत्तं
[४३] सूयगडो	[आगमसुत्ताणि-२]	वीअं अंगसुत्तं
[४४] ठाणं	[आगमसुत्ताणि-३]	तइयं अंगसुत्तं
[४५] समवाओ	[आगमसुत्ताणि-४]	चउत्थं अंगसुत्तं
[४६] विवाहपन्नति	[आगमसुत्ताणि-५]	पंचमं अंगसुत्तं
[४७] नाचाधम्मकहाओ	[आगमसुत्ताणि-६]	छट्ठं अंगसुत्तं
[४८] उवासगदसाओ	[आगमसुत्ताणि-७]	सत्तमं अंगसुत्तं
[४९] अंतगडदसाओ	[आगमसुत्ताणि-८]	अट्ठमं अंगसुत्तं
[५०] अनुत्तरोववाइयदसाओ	[आगमसुत्ताणि-९]	नयमं अंगसुत्तं
[५१] पण्हावागरणं	[आगमसुत्ताणि-१०]	दसमं अंगसुत्तं
[५२] विवागसूयं	[आगमसुत्ताणि-११]	एक्करसमं अंगसुत्तं
[५३] उववाइअं	[आगमसुत्ताणि-१२]	पदमं उवंगसुत्तं
[५४] रावपसेणियं	[आगमसुत्ताणि-१३]	वीअं उवंगसुत्तं
[५५] जीवाजीवाभिगम	[आगमसुत्ताणि-१४]	तइयं उवंगसुत्तं
[५६] पन्नवणा-सुत्त	[आगमसुत्ताणि-१५]	चउत्थं उवंगसुत्तं
[५७] सूरपन्नति	[आगमसुत्ताणि-१६]	पंचमं उवंगसुत्तं
[५८] चंदपन्नति	[आगमसुत्ताणि-१७]	छट्ठं उवंगसुत्तं
[५९] जंबूद्वीवपन्नति	[आगमसुत्ताणि-१८]	सत्तमं उवंगसुत्तं
[६०] निरयावलियाणं	[आगमसुत्ताणि-१९]	अट्ठमं उवंगसुत्तं
[६१] कम्पचर्डिसयाणं	[आगमसुत्ताणि-२०]	नवमं उवंगसुत्तं
[६२] पुप्फियाणं	[आगमसुत्ताणि-२१]	दसमं उवंगसुत्तं
[६३] पुप्फचूलियाणं	[आगमसुत्ताणि-२२]	एक्करसमं उवंगसुत्तं
[६४] वण्हिदसाणं	[आगमसुत्ताणि-२३]	बारसमं उवंगसुत्तं
[६५] चउसरण	[आगमसुत्ताणि-२४]	पदमं पर्ईण्णमं
[६६] आउरपच्चक्खाण	[आगमसुत्ताणि-२५]	वीअं पर्ईण्णमं
[६७] महापच्चक्खाण	[आगमसुत्ताणि-२६]	तइअं पर्ईण्णमं
[६८] भत्त परिण्णा	[आगमसुत्ताणि-२७]	चउत्थं पर्ईण्णमं

[7]

[૬૧] તંદુલવેવાલિયં	[આગમસુત્તાણિ-૨૮]	પંચમં પર્વણમં
[૭૦] સંધારણં	[આગમસુત્તાણિ-૨૯]	છટ્ઠં પર્વણમં
[૭૧] ગવ્ઠાચાર	[આગમસુત્તાણિ-૩૦-૧]	સત્તમં પર્વણમં-૧
[૭૨] ચંદાવિજય	[આગમસુત્તાણિ-૩૦-૨]	સત્તમં પર્વણમં-૨
[૭૩] ગણિચિહ્ના	[આગમસુત્તાણિ-૩૧]	અટ્ઠમં પર્વણમં
[૭૪] દેવિંદત્યઔ	[આગમસુત્તાણિ-૩૨]	નવમં પર્વણમં
[૭૫] મરણસમાહિ	[આગમસુત્તાણિ-૩૩/૧]	દસમં પર્વણમં-૧
[૭૬] વીરત્યવ	[આગમસુત્તાણિ-૩૩/૨]	દસમં પર્વણમં-૨
[૭૭] નિસીહ	[આગમસુત્તાણિ-૩૪]	પદમં છેયસુત્તં
[૭૮] બુદ્ધ્વ કપ્પો	[આગમસુત્તાણિ-૩૫]	વીઅં છેયસુત્તં
[૭૯] વવહાર	[આગમસુત્તાણિ-૩૬]	તદ્અં છેયસુત્તં
[૮૦] દસાસુયક્કંઘં	[આગમસુત્તાણિ-૩૭]	ચઠત્યં છેયસુત્તં
[૮૧] જીયકપ્પો	[આગમસુત્તાણિ-૩૮/૧]	પંચમ છેયસુત્તં-૧
[૮૨] પંચકપ્પભાસ	[આગમસુત્તાણિ-૩૮/૨]	પંચમ છેયસુત્તં-૨
[૮૩] મહાનિસીહ	[આગમસુત્તાણિ-૩૯]	છટ્ઠં છેયસુત્તં
[૮૪] આવસસયં	[આગમસુત્તાણિ-૪૦]	પદમં મૂલસુત્તં
[૮૫] ઓહનિજ્ઞુત્તિ	[આગમસુત્તાણિ-૪૧/૧]	વીઅં મૂલસુત્તં-૧
[૮૬] પિંડનિજ્ઞુત્તિ	[આગમસુત્તાણિ-૪૧/૨]	વીઅં મૂલસત્તં-૨
[૮૭] દસવેવાલિઅં	[આગમસુત્તાણિ-૪૨]	તદ્અં મૂલસુત્તં
[૮૮] ઉત્તરજ્ઞયણં	[આગમસુત્તાણિ-૪૩]	ચઠત્યં મૂલસુત્તં
[૮૯] નંદીસૂયં	[આગમસુત્તાણિ-૪૪]	પદમા ચૂલિયા
[૯૦] અણુઓગદારાઈ	[આગમસુત્તાણિ-૪૫]	વિતિયા ચૂલિયા

નોંધ: પ્રકાશન ૧૧ી ૪૧ અભિનવ શ્રુત પ્રકાશને પ્રગટ કરેલ છે.

પ્રકાશન ૪૨-૯૦ આગમ શ્રુત પ્રકાશને પ્રગટ કરેલ છે.

● ૪૫ આગમ-સેટ ના પ્રાપ્તિસ્થાનો ●

શ્રી ડી. કે. ઠક્કર ૧૬, અલકાનગર, ટ્રિપલક્ષ્મી મિલ્સ પાસે એલેમ્બિક રોડ, વડોદરા	શ્રી જગદીશભાઈ એમ. શાહ ૧-અલકાનંદા સોસાયટી, આઝાદ સ્વીટ્સ સામે, આશ્રમ રોડ, વાડજ, અમદાવાદ
શ્રીમતી નયનાબેન રમેશચંદ્ર શાહ ૨૦, ગૌતમનગર સોસાયટી રેસકોર્સ સર્કલ પાસે, વડોદરા	ડૉ. પિનાકીન એન. શાહ ૨૧, સુભાષનગર, ગિરધરનગર, શાહીબાગ, અમદાવાદ

નોંધ:- આગમના ૧-સેટ માટે “આગમ શ્રુત પ્રકાશન” વડોદરા નો રૂ. ૧૫૦૦/-
ની કિંમતનો ડ્રાફ્ટ આપીને જ સેટ મેળવી શકશો.

[8]

-: પરિસિદ્ધ-નિદંસણં :-

- ૧ પદ્યં પરિસિદ્ધં - “વિસયાણુક્કમો”
આ પરિશિષ્ટમાં ૪૫-[૪૯] આગમનાં વિષયોની બૃહદ્ અનુક્રમશિકા છે. જે માટે અમારું ભાવિ પ્રકાશન “૪૫-આગમ યુક્ત વિસય કોસ” જેવું.
- ૨- યીચં પરિસિદ્ધં “વિસિદ્ધ સદાણુક્કમો”
આ પરિશિષ્ટમાં ૪૫-[૪૯] આગમનાં વિશિષ્ટ શબ્દો કક્કાવારી મુજબ ગોઠવાયેલા છે. તથા જે-તે શબ્દ જે-જે આગમમાં આવેલો છે તેનો સ્થળ નિર્દેશ કરેલો છે. તેને આગમ શબ્દ સંદર્ભ-કોસ પણ કહી શકાય તે માટે અમારું ભાવિ પ્રકાશન “૪૫-આગમ વિસિદ્ધ સદ્કોસ” જેવું.
- ૩- તદ્વયં પરિસિદ્ધં- “વિસેસ નામાણુક્કમો”
૪૫-[૪૯] આગમમાં આવતા ખાસ નામો જેવા કે ગોવમ, સોમિલ, ...વગેરે કક્કાવારી ક્રમમાં ગોઠવી, તેનો આગમ-સંદર્ભ આ પરિશિષ્ટમાં રજૂ કરાયો છે. જે માટે અમારું ભાવિ પ્રકાશન “૪૫-આગમ વિસેસ નામ કોસ” જેવું.
- ૪- ચડત્વં પરિસિદ્ધં - “ગાહાણુક્કમો”
૪૫-[૪૯] આગમમાં આવતી ગાથાને જ કારાદિ ક્રમમાં રજૂ કરેલ છે. સાથે સાથે તે-તે ગાથાનો સ્થળ નિર્દેશ કરેલો છે. જે માટે અમારું ભાવિ પ્રકાશન “૪૫-આગમ ગાહાણુક્કમો” જેવું.
- ૫- પંચમં પરિસિદ્ધં “સુતાણુક્કમો”
૪૫-[૪૯] આગમમાં આવતા સૂત્રોને જ કારાદિ ક્રમમાં સ્થળ નિર્દેશ પૂર્વક રજૂ કરવા વિચારણા છે. ભાવિ ઉપયોગિતા વિશેના તજજ્ઞ-અભિપ્રાયધારે હવે પછી તૈયાર કરવા ભાવના છે.



નોંધ :- સમગ્ર ૪૫ આગમમાં પ્રત્યેક સૂત્ર કે ગાથાને અંતે અંગ્રેજી ક્રમાંકન થકી વૃત્તિનો અંક નિર્દેશ છે. તે વૃત્તિમાં છ છેદ સૂત્રો અને ચંદપન્નતિ સિવાયના આગમો માટે અમે પૂ. આગમોદ્ધારક શ્રી સંશોધિત સંપાદિત અને (૧) અગમોદય સમિતિ, (૨) દેવચંદ લાલભાઈ ઠંડ (૩) ઋષભદેવ કેસરીમલ પેઢી એ ત્રણ સંસ્થાના પ્રકાશનો જ લીધા છે. - ચંદ પન્નતિ માટે હસ્ત લિખિત પ્રત લીધેલી છે, - બુહત્કવ્યો - પૂ. પુન્યવિજયજી મ.સંપાદિત, નિસીહ-પૂ.કનૈયાલાલજી સંપાદિત, વવહાર, પૂ.મુનિ માલેક સંપાદિત, જીયકવ્યો. પૂ.છનવિજયજી સંપાદિત છે મહાનિસીહ ની વૃત્તિનથી. દસામુયક્ષંધ ની ચૂંચિજ મળી છે. માટે તેનું ક્રમાંકન થઈ શકેલ નથી.

४५-आगमना प्रधान आर्थिक अनुदाता

स.म्य.३ शु.ता.नु.रा.गी श्र.म.षो.पा.सि.डा

श्रीमती नयनाजहेन रमेशचंद्र शाह - परिवार, वडोदरा

प्रस्तुत आगमनां मुख्य द्रव्य सहायक